

四庫全書

子部

欽定四庫全書

子部

古今合璧事類備要續集卷

五十五至五十六

詳校官中書臣張經田

主事臣祁韻士覆勘

總校官知縣臣楊懋珩

校對官中書臣邱桂山

謄錄監生臣王天祿

欽定四庫全書

古今合璧事類備要續集卷五十

宋 謝維新 撰

事為門

知人附

不知人
不見知

知已
求知已

事理發揮

甚矣知人之為難也亦甚矣知已者之不易得也惟其知人則施于人者不悖惟其

知已則伸于已者不少人之知已與已之知人一也
自非氣類相求肝膽相照又安得有真相知者哉此
管鮑之賢所以不世有也然人不知非所患
也已不知人其可乎故君子必以知人為急

事類則哲

臯陶曰在知人禹曰成若時惟知賢帝其難之知人一一能官人書唯賢患

不知

子曰不患人之不己知

未易知

人固一一知人亦未易范滂傳

知

下惠

臧文仲魯大夫臧孫辰也時柳下惠為士師文仲知其賢而不進達之孔子曰臧文仲其竊位者與

一柳一一之賢知子產

鄭人游于鄉校然明謂子產曰毀鄉校如何子產曰何為云云

然明曰茂也今而後知吾子

知驩茂

叔向適鄭驩茂欲觀叔向使之從叔

器者而往立于堂下一言而善叔向將飲酒問之曰必驩明也下執其手以上曰昔賈大夫惡娶妻而美三年

不言不笑御以如臯射雉獲之其妻始笑而言賈大夫曰才之不可以已我不能射女遂不言不笑夫今子少

不鵬子若無言吾幾失子矣言之不可足知雅曲曹公使蔣

以已也如是遂如故知左昭二十八年足知雅曲

使蔣

幹說周瑜瑜先覺之謂幹曰吾雖號為水鑑司馬微清

之鑒龐德公嘗謂德操為水鑑此是君座何充嘗詣王導導以麈尾指

及導薨充參作黑頭公王詢與謝玄為桓溫掾溫嘗謂

王掾當一並本傳誤蒼生者王衍嘗造山濤濤嗟歎良久既

鑿兒然一天下一當為冠冕龐統字士元少時朴鈍

清雅有知人鑒往見微稱統一當為棟梁吏部侍郎高

見房喬曰當為偉器恨不見其聳壑昂霄見必為後患

張九齡曰祿山失律喪師于法不可不誅且臣觀其貌

有反相不殺一上曰卿勿似王夷甫識石勒枉

害忠良竟

使後得權

郭子儀病雖百官造省不屏姬侍
救之本傳及盧杞至則屏之隱几而待家人

怪問其故曰彼外陋內險左右

見必笑一一吾族無類矣

勉旃自愛

蘇子容丞相始為南都從

事時杜正獻公方致仕居南都見蘇公大器之為道其
平生出處本末甚詳曰子異時所至亦如老夫願一一

一一蘇公唯唯

恍然大驚

熙寧間蘇公頌以集賢院學
士守杭州梁況之以朝官通

判明州之官道出錢塘公一見異之留連數月待遇甚
厚既別復遣介至津亭手簡問勞且以一硯遺之曰石

硯一枚留為異日王堂之用梁公姑謝而留之元祐六
年梁公在翰苑一夕宣召甚急將行而嘗所用硯誤墜

地碎倉卒取他硯以行既至則面受旨尚書左丞蘇某
拜右僕射梁公受命退歸玉堂方行思命詞涉筆之際

視所攜硯則頃年錢塘蘇公所贈也因一一一是夕
梁公亦有左丞之命他日會政事堂語及之蘇公一笑

而已却掃錄

如文靖言

寇萊公與丁晉公始甚相善李文靖公為相丁公尚為兩制萊公屢以丁

薦而公不用何也文靖答曰今已為兩禁矣稍進則當國如斯人者果可當國乎寇曰如丁之才相公自度終能抑之否文靖曰唯行且用之然他日勿悔也既而二公秉政果傾軋竟一一之一之倦遊雜錄**識夷**

簡否

王沂公知制誥一日至中書見王文正公問君一呂一一一沂公曰不識也退而訪諸人呂公方

為太常博士倖濱州文正曰此人異日與舍人對秉鈞軸沂公曰何以知之曰吾亦不識但以其奏請得之如不稅農器之類沂公姑應之及丁晉公敗沂公引為執政卒與沂公並相沂公從容道文正語皆嗟歎以為非所及龍**不可大用**韓魏公嘗云吳長文奎有識方天下

川志

不可大用

盛推王安石以為必可致太平唯長

文獨語曰王安石心強性狠一一一魏公別錄

後當如是

王安石始為政司馬溫公上疏逆陳

其利害曰——及二十必受其弊呂獻可將彈新參溫公愕然獻

餘年無一不如公言行狀可曰王安石雖有時名好執偏見侍從必亂天下神宗將召

猶可置諸宰府——詳見官制門用介甫訪于大臣爭稱舉之張安道時為承旨獨

言安石言偽而辨行愎而堅用之——記聞不知人以言舉——人以容取——子路曰澹臺子羽有

其貌宰我有文雅之辭而智不充其辯相馬以車相士以居——人則失之子羽以言取人則失之宰予家

語
知已為知已用列子曰管夷吾與叔牙二人相友管仲曰吾與鮑叔賈分財多自與鮑叔不以

我為貪知吾有親也吾嘗與鮑叔謀事大窮困鮑叔不以以我為愚知時有不利也吾嘗三仕三見逐鮑叔不以

我為不肖知不遭時也知我者鮑叔生我者父母昔鮑叔有疾管仲為之不食不內漿寧戚患之管仲曰生我者父母知我者鮑叔士一一者一馬為知己者良鮑子死天下莫知安用水漿雖為之死亦何傷哉韓詩外傳

為知己死

趙襄子滅智伯其臣豫讓逃適山中曰嗟乎士一一者一女為悅已者容今智伯

知我我必為報讎而死以報以為知己晏嬰之晉至中智伯則吾魂魄不愧矣史記

以為知己

年見弊冠反裘

負芻息于道側者嬰問曰吾子何為者對曰我越石父者為人臣僕于中年見使將歸嬰曰何為僕對曰吾身不免凍餓之地吾是以為僕也嬰曰可得而贖乎對曰可遂解左驂而贖之因載而與之俱歸至舍不辭而入越石父立而請絕晏嬰使人應之曰子何絕我之暴也越石父曰臣聞士者屈于不知已而伸于知己吾三年為臣僕人莫吾知也今子贖我吾一一矣今不辭而入是與臣我者同矣晏子出見之曰向也見客之容

今也見客之意 且曰知我 子產聞子皮卒哭 吾已遂以為上客 無與為善矣 惟夫子 吾已

昭十 立不失容 莊子送葬過惠子之墓 謂從者曰 郢人三 墜其鼻端 若蠅翼 使匠石斲之 匠石

運斤成風 斲之盡 墜而鼻不傷 郢人 匠石曰 臣能斲之 雖聞之 召匠石曰 嘗試為寡人為之 匠石曰 臣能斲之 雖

然 臣之質死久矣 自夫子之死也 仰而長鳴 驥服鹽車 吾無以為質矣 吾無與言也 莊子 而長鳴 驥服鹽車

遷延負轅 不能上 伯樂遭之下車 攀而哭之 驥于是俛而噴 聲聞于天下 若出金石者 何也 彼見伯

樂之知已 林宗見奇 茅容與等輩避雨樹下 衆皆夷踞 而戰國策 相對容獨危坐 愈恭 郭 而

與其異 遂謝安所知 羊曇為 安薨後 宣武所與共言 徹樂彌年 行不由 西州路 宣武所

器 習鑿齒有才桓 器之末三十用為荊州 若遇知 治中謝朓曰 不遇明公 荊州老從事耳 世說

己吉溫常曰————南山
白額虎不難縛也唐元紀

不知己莫知我詩莫知我勸同知我者天子曰莫我知也夫不

怨天不尤人下學而上達————其——乎語十四知我者希————為貴矣老子則斯已

而已子擊磬于衛有荷蕢而過孔氏之門者曰伯牙絕

絃伯牙鼓琴意在泰山鍾子期曰善哉湯湯乎若流波子期死

琴破琴——終身不復鼓下和泣玉應劭曰——得王璞獻之武王武王

示王人王人曰石則其右足武王沒復獻文王王人復

曰石也則其左足至成王時卞和抱璞哭于郊乃使玉

尹攻之果得寶玉史記束之高閣殷浩才名冠世庾翼弗之重也

天下太平然後

遇以海客

牛僧孺詣襄陽于岷求知岷以海客遇之牛怒而去後忽

問牛秀才發未曰已去立命小將賁書絹

以為輕已

韓

公知揚州王介甫以新進士簽書判官事魏公雖重其文學而不以吏事許之介甫數引古義爭公事其言迂闊

魏公多不從介甫秩滿去會有上韓公書者多用古字韓公笑而謂僚屬曰惜王介甫不在此其人頗識難字

介甫聞一一韓公一謂非知我

韓魏公知揚州王荆公為僉判每讀書達旦畧

一由是怨之記聞假寐日已高亟上府多不及盥漱魏公見荆公年少意

其夜飲故逸一日從容一荆公曰君年少毋廢書不可自棄荆公不答退而言曰魏公一一者魏公後知荆

公之賢欲收之門下荆公終不屈如召館職不就之類是也故荆公熙寧日錄中短魏公為多每曰韓形相好耳作畫虎圖詩詆之及魏公薨荆公有挽詩云幕府少

年今白髮傷心無路送靈輶猶不忘魏公少年之語也
又入仄步望揚州詩云白頭追想當年事幕府青衫最

少年
同上

求知已求為可知

子曰不患無位患所以立不患莫已知

患其不

能

子曰不患人之不己知也語憲問

上書自衛

東方朔曰臣朔勇若孟賁

捷若慶忌廉若鮑叔信若尾生

於路自陳

魏愷自散騎常侍遷青州

刺史固辭文宣大怒曰何物漢子與官不就由是積年
沉廢後遇愷愷曰咸由中旨愷曰雖復零雨

自天終待雲興四岳惜欣然數日除霍州刺史本傳

上書求薦

先生云一日程頤與韓持國范夷叟

泛舟于潁昌西湖須臾官將云有一官員一一謁大資
乃是求知已頤曰大資居位却不求人乃人倒來求已

是甚道理夷叟曰——章常事也願云不然只為曾有不求者不與求者與之遂致人如此持國便服程氏遺

書勤職求知

嘗干人舉薦以為後生之戒仲父常從守

官會稽人或議其不求知者仲父對云——事乃所以——也童蒙訓

韓愈與馮宿書

揚

子雲著太玄人皆笑之子雲之言曰世不我知無害也後世復有揚子雲必好之矣子雲死近千載竟未有揚子雲可歎也其時桓譚亦以雄書勝老子老子未足道也子雲豈止于老子爭強而已乎此誠未必為知雄者其弟子侯芭頗知之以為其師之書勝周易然侯芭之他文不見于世不知其人果何如耳以此而言作者不祈人之知也明矣直百世以俟聖人而不惑質諸鬼神而不疑耳足下豈不謂然乎韓愈與陳商書辱惠書語高而旨深三四讀尚不能通曉茫然增愧報又不以其淺弊無過人智識且喻以所守幸甚敢

不吐情實然自識其不足補吾子所須也齊王好竽有求仕于齊者操瑟而往立王之門三年不得入叱曰吾瑟鼓之能使鬼神上下為鼓瑟合軒轅氏之律呂容罵之曰王好竽而子鼓瑟瑟雖工如王不好何是所謂工于瑟而不工于求齊也今舉進士于此世也求祿利行道于此世而為文必使一世人不好得無與操瑟立齊門者比歟文誠工不利于求求不得則怒且怨不知君子必爾不為也故區區之心每有來訪者皆有意于不肖者也畧不辭讓遂

韓愈薦侯喜狀

右其人為文甚古立志甚堅行止取

舍有士君子之操家貧親老無援于朝在舉場十餘年意無知遇愈嘗慕其才而恨其屈與之還往歲月已多嘗欲薦之于主司言之于上位名卑官賤其路無由觀其所為文未嘗不掩卷長歎去年愈從調選本欲攜持同行適遇其人自有家事延還坎軻又廢一年及春末自京還怪其久絕消息五月初至此自言為閭下所知

辭氣激揚面有矜色曰侯喜死不恨矣喜辭親入闕羈旅道路見王公數百未嘗有如盧公之知我也比者分將委棄泥塗老死草野今胷中之氣勃勃然復有仕進之路矣愈感其言賀之以酒謂之曰盧公天下之賢刺史也未聞有所推引蓋難其人而重其事今子鬱為選首言其死不恨固宜也古所謂知己者正如如此耳身在貧賤為天下所不知獨見遇于大賢乃可貴耳若自有名聲又託形勢此乃市道之事又何足貴乎子之遇知于盧公真所謂知己者也士之修身立節而竟不遇知己前古已來不可勝數或曰接膝而不相知或異世而相慕以其遭逢之難故曰士為知己者死不其然乎不其然乎閤下既已知侯生而愈復以侯生言于閤下者非為侯生謀也感知己之難遇大閤下之德而憐侯生之心故因其行而獻于左右焉

韓愈上張

僕射書

執事之擇于愈者非為其能晨入而夜歸也必將有以取之苟有以取之雖不晨入而夜歸其

所取者猶在也。下之事上，不一其事；上之使下，不一其
事。量力而任之，度才而處之，其所不能，不强使為。是故
為下者，不獲罪于上；為上者，不得怨于下矣。孟子有云：
「今之諸侯，無大相過者，以其皆好臣，其所教而不好臣，
其所受教，今之時與孟子之時又加遠矣。」皆好其聞命
而奔走者，不好其直己而行道者。聞命而奔走者，好利
者也；直己而行道者，好義者也。未有好義者，而未有
好利者也。惟愈于執事也，可以此言進愈蒙幸于執事，其
從舊矣。若寬假之使不失其信，加待之使足以為名，天
下之人聞執事之于愈如是，必皆曰：「執事之好士也如
此，執事之待士以禮如此，執事之使人不枉其性而能
有容如此，執事之欲成人之名如此，執事之厚于故舊
如此。」又將曰：「韓愈之識其所依歸也，又如此。」韓愈之
不謫，屈于富貴之人如此，韓愈之賢能使其主待之以禮
如此，則死于執事之門，無悔。若使隨行而入逐隊而趨，

言不敢盡其誠道有所屈于已天下之人聞執事之于愈如此皆曰執事之用韓愈哀其窮收之而已耳韓愈之事執事不以道利之而已耳苟如是雖日受千金之賜一歲九遷其官感恩則有之矣將以稱于天下曰知已知已

柳子厚送苑論詩序

八年冬余與馬邑苑言揚

則未也必挂轄席必交社量其志知其達于昭代究其文辯其勝于太常探而討之則明韜于朴厚之質行浮于幽顯之間遊公卿之間質直而不犯恪謹而不懾交同列之羣以誠信聞余拜而兄之以為執誼而固臨節不奪在兄而已是歲小司徒顧公守春官之缺而權擇士之柄明年春同趨權衡之下並就重輕之試觀其掉鞅于街藝之場遊刃乎文翰之林風雨生于筆札雲霞發于簡牘左右園視明隣拱手甚可壯也二月丙子有司題甲乙之科揭于南宮余與兄又聯登焉余不厚顏懷愧而陪其遊久矣夏四月告歸荆衡拜手行邁輪移都門之

轍轅指秦嶺之路方將高堂稱慶里閨更賀曳裾峨冠
榮向諸侯之邦遐登王桀之樓高視劉表之榻桂枝片
王光生于家是宜砥商雒之阻艱帶江漢之浩蕩以談
笑顧盼超越千里而無倦極也然而景熾氣煥往即南
方乘陵炎雲呼吸溫風可無敬乎慎追藥石保安其躬
是亦非兄之所宜私也羣公追餞于霸陵列筵而觴送
遠之賦圭璋交映或授首簡于余曰子得非不知言揚者
乎安而默耶余受而書之編于羣玉之右非不知讓貴
傳信焉爾

皇甫湜送丘儒序
吾居河陰丘生敲門請曰儒貴求知余謹自露願以是非賜決

語其學如倚頓之富聽其音如清廟之樂觀其刻意勵
行如奉商鞅之法而惟秦刑吾驚而與之遊踰年將闕
其藝于洛下吾遠來洛下喻之曰子知市乎懷貝玉以
之名都之肆未有不售者也挈而之三家之墅未有不
為盜困幸矣子將安置哉京師賢才市也一人不知子
也他人知子一門不容子也他門容子子謹持其所有

以往未有不咸者也今子之類固少勢能移事者稀為
一不知為一相移白變而復黑倒上而為下吾未如之
何矣生不信而試果困而見吾酌酒而賀之曰
謹持貝玉以往之都市可矣曰諾乃叙其行

詩集無知者

仲蔚愛窮居遠舍生蒿蓬翳然絕交遊賦
詩頗能工舉世一一止有一劉龔此士

胡獨然實由罕所同介然安其業所樂非窮
通人事固已拙聊得長相從陶潛詠貧士
無知已曲

揚雄一薦甘泉賦益浩然
桐遇知音馬因回首雖增
價一一已

半樵白
侍郎圭璧無人知
無陶堯名聲隨腐滅唐文粹
期君

蟠桃枝

歲終一嘗山谷

古今合璧事類備要續集卷五十

欽定四庫全書

古今合璧事類備要續集卷五十一

宋 謝維新 撰

事為門

揚善 附

隱惡

事理發揮

善者人之所樂而惡者人之所惡也今有人于此聞人之善如己之善惟恐人之不

知見人之惡如己之惡惟恐人之得知善者褒之嘉之從史而成之惡者痛之悼之又從而隱諱之豈不誠君子長者哉其或彼有善之可嘉也而媚疾生焉彼有惡之可矜也而發擿形焉是固未能盡人也而

謂能盡己可乎茲其為薄德也亦甚矣故妬賢害能而忌有功既非所以為項氏之利而國武子好翹人之過亦所以不免于齊也聖人有言君子成

人之美不成人之惡小人反是豈欺我哉

事類用中

舜執兩端一其於民隱惡而揚善記中庸

聞言

禹一善一則拜孟

不蔽

爾有善朕一

俾慕

旌別淑慝表厥宅里彰善癉惡樹之風聲弗率訓典殊厥井疆一克畏一

注言當識別頑民之善惡表異其居里明其為善病其為惡立其善風揚其善聲其不循教道之常則殊其井居田界使能畏為惡之禍

輓推

或輓之或推之欲無入得乎左襄十四

反

和子與人歌而善必使

大哉問也

林放問禮之本子

富哉言乎

語

雍之言然

子曰雍也

偃之言是

也前言戲

之耳陽貨君子若人子謂子賤尚德若人南宮适出子

問憲賢哉回也子曰賢哉回也一簞食一瓢飲在陋巷

雍也孝哉閔子子曰大哉孔子達巷

而無所成名子罕借譽左右百里奚乞于道路秦繆公

桓公任之以國此二人者豈素宦于朝數言將軍王曰

教寡人計策韓信傳游揚足下曹丘生曰楚人諺曰得

一諾足下何以得此聲于梁楚之間哉且僕與足下俱

之深也布大稱述多過龍士元性好人倫勤于長養每

悅季布傳所其才時人怪而問

之統答曰當今天下大亂雅道陵夷善人少而惡人多
方欲興風俗長道業不美其譚則聲名不足企慕而為
善者少矣今拔十失伍猶得其半而可嗟吟良久謝朓
以崇邁世教使有志者自厲不亦可乎
人才會稽孔閏粗有才筆未為時所知孔珪嘗令革讓
表以示朓朓一一手自折簡寫之謂珪曰此子聲
名未立應共獎成無惜齒牙餘論本傳

隱惡不成人

是語又惡小人反毋攻人攻其惡

淵九二包荒

行注體健居中而用乎泰能包含荒穢受

納馮河者也用心弘大無所遺棄故曰不遺遺也無私

無偏存乎光大故曰朋亡也如此乃可以得尚于中行

卦易泰

六三包羞

小道以承其上而位不當所以包羞也

否國君含垢公孫歸父會楚子于宋宋人使樂嬰齊告

言曰雖鞭之長不及馬腹天方授楚未可與爭雖晉之

強能違天乎諺曰高下在心川澤納汙山藪藏疾瑾瑜

匿瑕也君其待之左宣十五君子諱惡滅項孰滅之齊滅之

桓公諱也春秋為賢者諱此滅人之國何賢爾一之

惡惡也疾始善善也樂終桓公嘗有繼絕存亡之功故

公羊為之諱也耻言人過漢文帝躬修元默將相皆舊

厚一一之一失化行天下掩匿人過曹參見人有過

告訐之俗易風流雋厚刑志掩匿覆蓋之本

傳俱棄細過今單于新與朕一一一偕之大道不責

小文陳遵入公府日出醉歸曹事數廢西曹請斥之大

司徒馬宮重遵謂西曹此人大度士奈何以小文

責當由貧困

陳寔時歲饑有盜夜入其室止于梁上寔因見呼子弟正色訓之曰夫人不可不自

勉不善之人未必本惡習以性成遂至于此梁上之人是矣盜驚投地稽顙歸罪寔曰視君狀貌未必惡人

二匹後漢本傳勿使人見

宋褚彥回有門生盜其衣彥回遇見謂曰可密藏之

慙而去

屏風屈曲

齊王僧祐父遠時人為之語曰甕王遠如

中文字

國初趙普為相于廳事坐屏後置二大甕凡有投利害文字皆置中滿即焚於通衢聞見錄

手封文字

韓魏公為相見一人有攻人隱惡者必一一之人未常見別錄韓愈送王含

序

今子之來見我也無所挾吾猶將張之況文與行不失其世守渾然端且厚惜乎吾力不能振之而其言

不見信于世也韓愈答楊子書

足下不離口故不待相見相信

已熟既相見不
要約已相親

賈誼陳治安策

古者大臣有坐不廉而
廢者不謂不廉曰簋簋

不節坐污穢淫亂男女無別者不曰污穢曰帷薄不修
坐罷軟不勝任者不謂罷軟曰下官不職故貴大臣定
其有罪矣猶未斥然正以噉之也尚遷就而為之諱故
其在大譴大何之域者聞譴何則白冠羗纓盤水加劍
造請室而請辜矣上不執縛係引而行也其有中罪者
聞命而自弛上不使人頸盤而加也其有大罪者聞命
則北面再拜跪而自裁上不使捽抑而刑之也曰子大夫自有過耳吾遇子有禮矣

馬援戒兄子

書

見姪
門

詩集滿世名

秦少儀好為詩初不甚工既而以所業見
山谷山谷贈以詩當時多以為許予之過

然少儀緣此詩思大發汝南許文休馬磨自衣食但聞
郡功曹——藉藉渠命有顯晦非人作通塞秦氏多

英俊少游眉最白頗聞鴻雁行筆皆萬人敵吾早知有
觀而未知有觀少儀袖詩來剖蚌珠的藥乃能持一鏃
與我箭鋒直自吾得此詩三日卧向壁挽來不逢人說
能寸推去忽數尺才難不其然有亦未易識
幾度見詩詩盡好及親標格過于詩平生不荷朋友名
解藏人善到處——項斯楊敬之贈項斯聲

——韓送吹噓

青冥——韓薦士詩

無瑕疵

——順物——山谷

求庇附

求援
求哀

事理發揮

人無特操不能自立必有所庇而後立是
故所求乎貴以庇賤未免也所求乎上以

庇下未免也所求乎大以庇小未免也始而庇其身
繼而庇其宗又繼而庇其親戚庇其所厚善者是庇
也皆推其有餘以及彼之不足得其庇者安失其庇
者危就其庇者說去其庇者悲趨其庇者榮舍其庇

者辱故求庇之情斯人之所不能無也雖然人不能
以自立非求庇于人固不可或不能以自免非求哀
于人亦不可人未必常安樂而無憂患也亦未必常
榮懷而無杞桯也人而溺于憂患之中陷于杞桯之
餘幸而有仁人君子者掀而出之往而救之亦偷生
而已矣亦苟免而已矣然或依憑城社妄作威福天
日開明永山銷鑠此乃仁人君子之所共誅者尚復可憐之乎

事類萬籬

與女施子
松栢詩類弁

葛藟

樂豫曰公族公室之枝
葉也若去之則本根無

所庇蔭矣——猶能庇其本根故君子以為比況國君
乎此諺所謂庇焉而縱尋斧焉者也必不可君其國之
左文
七
晉焉依——鄭——東遷
鄭為主
晉圍鄭鄭既知亡矣

若亡鄭而有益于君敢以煩執事越國以鄙遠君知其
難也焉用亡鄭以陪鄰鄰之厚君之薄也若舍鄭以為

東道主行李之往來供其乏
困君亦無所害左僊三十年
彊者庇以待——而——身

所庇大官大邑——之——**屬託邑子**前尹翁歸拜東海太守過辭廷尉于定國

定國欲————兩人終日不敢見曰
此賢將汝不任事也又不可干以私
倚為主人字彭寵

通南陽宛人光武鎮慰河北以書招寵王郎立寵發步
騎南及光武于廣阿賜號大將軍——以——北道——本

傳
獨不為地田蚡謂灌夫曰程李俱東西宮衛尉今
衆辱程將軍仲孺——將軍——乎
我

有二天蘇章遣冀州刺史故人為清河太守章行部案
其姦賊乃請太守為設酒肴陳平生之好甚歡

太守喜曰人皆有一天——獨——章曰今夕蘇孺文
與故人飲者私恩也明日冀州刺史案事者公法也遂

舉正
其罪

求哀老無能為

石厚從州吁如陳石蜡使告于陳曰衛國禍小老夫一矢也此二人者

實弑寡君敢即

孤實不敬

宋大水公使弔焉曰天作淫雨害于梁盛若之何不弔對

曰一一一一天降之災又

肉袒牽羊

楚子圍鄭三月克之鄭伯一一

為君憂拜命之辱莊十一
一一以逆曰孤不天不能事君使君懷怒以及敝邑孤之罪也敢不惟命是聽其俘諸江南以實海濱亦唯命其翦以賜諸侯使臣妾之亦惟命若惠顧前好微福于厲宣桓武不泯其社稷使改事君夷于九縣君之惠也孤之願也非所敢望也敢布

面縛啣璧

楚子圍許蔡穆侯將許僖公以

見楚子于武城許男一一一大夫繅經士與櫬楚子問諸逢伯對曰昔武王克殷微子啓如是武王親釋其縛受其璧而祓之楚其櫬禮而命
之使復其所楚子從之僖六年

舍諸靈臺

秦獲晉侯以歸穆姬

聞晉侯將至以太子瑩弘與女簡璧登臺而履薪焉使
以免服練經逆且告曰上天降災使我兩君匪以玉帛
相見而以興戎若晉君朝以入則婢子夕以死夕以入
則朝以死唯君裁之乃——大夫請以入公曰獲
晉侯以厚歸也既而喪歸焉**依於庭牆**隨申包胥如秦
用之大夫其何有焉傷十五乞師曰吳為封豕長蛇以荐食上國虐始于楚寡君失
守社稷越在草莽使下臣告急曰夷德無厭若鄰于君
疆場之患也逮吳之未定君其取分焉若楚之遂亡君
之土也若以君靈撫之世以事君秦伯使辭焉曰寡人
聞命矣子姑就館將圖而告對曰寡君越在草莽未獲
所伏臣下何敢即安立——而哭日夜不絕聲勺
飲不入口七日秦哀公為之賦無**求渡得脫**伍子胥奔
衣九頓首而坐秦師乃出定四**求渡得脫**吳到昭關
昭關欲執之子胥幾不——追者後至江**佯死求脫**魏
上有一漁父乘船知子胥之急乃渡子胥

咎擊范睢折脅指齒睢佯死卷以簀置廁中使客醉者更溺之范睢謂守者曰能出我我必有厚謝守者乃請

棄簀中死人魏齊

轍中求水

莊周家貧貸粟于監河侯

醉曰可笑周紀
將貸子三百金可乎莊周曰昨周來有中道而呼者周顧視車——有鮒魚焉周問之對曰我東海之波臣也君豈有升斗之水而活我哉周曰諾我且南游吳越之王激西江之水而迎子可乎鮒魚曰吾得斗升之水而活耳君乃言此曾不如

甯中求食

猛虎處深山之中百

早索我于枯魚之肆

之——搖尾——

緹縈上書
太倉令淳于公有罪當刑無

前司馬遷傳
曰生女不生男緩急非有益其少女——自傷悲泣迺隨父至長安——曰妾父為吏齊中皆稱其廉平今坐法當刑妾傷夫死者不可復生刑者不可復屬雖後欲改過自新其道亡繇妾願沒入為官婢以贖父刑罪使

得自新書奏天子悲憐其意

鄒陽上書

仕吳後去之梁

從孝王游陽為人智慧慷慨不苟合介于羊勝公孫詭之間勝等疾陽惡之孝王王怒下之吏將殺之陽恐死而負累延從獄中——曰云云

書奏孝王立出之卒為上客本傳

上書請老

見餞

上書

乞歸

班超久在絕域年老思土——曰臣不敢舉望到酒泉郡但願生入玉門關通鑑漢和帝紀

幡救罪

鮑宣下廷尉王咸——太學下曰欲——鮑司隸者會此諸生會者千餘人遮丞相孔光車不得

行宣減死一等

求援求襄屬令

晉王襄字偉元城陽人門生為安丘縣所役——襄曰卿學不足以庇身

吾德薄不足以蔭卿且吾不執筆四十年矣乃步檐乾飯兒負鹽鼓草僑送所役生到縣門徒從者千餘人安

丘今以為詣已出迎之襄乃下道至土牛旁磐折云門
生為縣所役故來送別因執手涕泣而去令即放之一
縣以呼顓申救王敦舉兵劉隗勸帝盡誅諸王司空導

為羞謂曰伯仁以百口累卿顓直入不顧既見帝言導忠誠

一一甚至帝納其言顓出導猶在門又呼顓顓不與言

顧左右曰今年殺諸賊奴取金印如斗大繫肘既出又

上表明導言甚至導不知救已而甚銜之及敦誅顓而

導不言後料檢中書故事見顓表救已流涕告諸子曰

我雖不殺伯仁伯仁由我而死幽冥之中負此良友

求庇韓愈與孟簡書

潮州時有一老僧號曰大顓頗聰

為別乃人之情非崇信其法求福田利益也孔子曰丘

之禱久矣凡君子行已立身自有法度聖賢事業具在

方策可效可師仰不愧天俯不忤人內不愧心積善積

惡殃慶自各以其類至何有去聖人之道捨先王之法

而從夷狄之教以求福利也詩不云乎愷悌君子求福不回傳又曰不為威惕不為利疚假如釋氏能與人為禍福非守道君子之所懼也況萬萬無此理

梅聖俞凌霄花賦

厥草惟大厥木惟喬草有

柔蔓木有繁條緣根兮附蒂有葉兮敷苗朱華燦兮上覆本餘蔽兮不昭嗟兮此木幾歲幾年而至于合抱夫何此草一旦一夕而遂曰凌霄是使藜藿蒿艾慕高艷而仰翹翹也安知蘋藻自潔蕙蘭自芳芙蓉出污而自麗芝蘭不培而自長或紉佩帶或采頌筐或製裳于騷客或登歌于樂章故得為馨為薦為嘉為祥皆無附著亦以名揚矣必託危柯而後昌吾謂本危多枯風高必折當是時將恐推為朽莢不復萌蘖豈得與百卉並列耶也

求哀韓愈與韋舍人書

天池之濱大江之濱曰有怪物焉蓋非常鱗凡介之品柔匹儔

其得水變化風雨上下于天地不難也其不及水益尋常尺寸之間耳無高山大陵曠塗絕險為之關隔也然其窮涸不能自致乎水為猿獼之笑者蓋八九年如有力者哀其窮而運轉之蓋一舉手一投足之勞也然是物也負其異于衆也且曰爛死于沙泥吾寧樂之若俛首帖耳搖尾而乞憐者非我之志也以有力者遇之熟視之若無觀也其死其生固不可知也今又有有力者當其前矣耶試仰首一鳴號焉庸詎知有力者不哀其窮而忘一舉手一投足之勞而轉之清波乎其哀之命也其不哀之命也知其有命而且鳴且號者亦命也

韓愈救墜者說
蹈水火者之求免于人也不唯其父兄子弟之慈愛然後往而全之也將有介于其側者雖其所憎怨苟不至欲其死者則將大聲疾呼而望其人之救也某聞人有行道三塗之難墜千仞之下者仰望于道號以求出過之者日千百人皆去而不顧然哀而顧之者不過攀木俛首深嘆太息良久而去耳

卒無可奈何然其人猶望而未止也俄而有若烏獲者持長綆千尋徐而過焉其力足為也其器足施也號而不顧顧而曰不能則其人知必死于大壑矣何也是時不可遇而幸遇焉又不迨乎已然後知命之窮勢之極其卒呼憤自斃不復望于上矣某曩者齒少心銳徑行高步不知道之艱以陷大阨窮躓墮發為孤囚日號而望者十四年矣其不顧而去與顧而深贖者俱不乏焉然猶仰首伸吭張目而視曰庶幾乎其有異俗之心非常之力當路而垂仁者耶伏惟閣下念墜者之至窮錫烏獲之餘力舒千尋之綆垂千仞之艱致其不可遇之遇以卒成其幸度號而望者得畢其誠無使呼憤自斃沒有餘恨則士之死于門下者宜無先焉生之通塞決在**王子晉論求怨與報仇**為善則預為惡則去不與此舉

黨人非義之事也凡損于物皆無與焉然而窮鳥入懷仁人所憫况死士歸我當棄之乎伍員之託漁舟李布

之入廣柳孔融之藏張儉孫嵩之匿趙岐前代之所貴
而吾之所行也以此得罪甘心瞑目至于郭解之代人
報仇灌夫之橫怒求地游俠之徒非君子之所為也如
有亂逆之行得罪于君親者亦不足卹焉親友之迫危
難也家財已力當無所吝若橫生圖計無理請謁非吾
教也墨翟之徒世謂熱腹楊朱之侶世謂冷腸腸不可
冷腹不可熱當以仁義
為節文耳顏氏家訓

詩集附蓬麻

兔絲

杜

依荆榛

人生莫依倚倚事不成
君看兔絲蔓一倚一與一

荆榛易蒙密百鳥揄亂鳴下有狐兔穴奔走亦縱橫
童斫將去柔蔓與之并翳薈生可恥束縛死無名桂樹

月中出珊瑚石上生俊鵬渡海食應龍昇天行靈
物本特達不復相纏紫纏紫竟何者荆榛與飛莖

依水

萍

如懸蘿藩安仁
一類浮一倚松

向陽花

近水樓臺先得月
一木易為春薛麟一榻

偶依

太守羅隱

陳

萬間大庇

安得廣厦千———天
下寒士俱歡顏風雨不動

安如山嗚呼何時眼前突兀見此屋吾廬獨破受凍死亦足杜

為燕巢君屋

一願
街一
泥雙
一飛

安如山嗚呼何時眼前突兀見此屋吾廬獨破受凍死亦足杜

為燕巢君屋
願一雙飛
銜泥一

古詩
騎馬倚人門

但得有錢留客醉誰能————盧東

無窮求福人
透火

皮穿不計春根如頭面葉
木居士便有————

如身偶然題作
韓愈題木居士

惟是欠登門

似龍鱗已足
鋤防蟻穴望水瀉金盆他日裏
能為雨公田報此恩姚鵠

詩上苗
相公
只憐無援過吹簫

省得蓬蒿修謁初。蒙知魯不
見生疎。侯門數處將書薦帝

里經年借宅居未必有詩堪誦
今足得成持取莫使江湖却釣魚
杜荀鶴下第後寄池

州外鄭員

州外鄭員

州外鄭

解紛

事理發揮

紛者人之爭也解紛者又人之所以救其爭也凡有血氣皆有爭心智者詐愚勇者

苦怯衆者暴寡強者凌弱德齊不相尚則較權均不相下則競力敵不相能則鬪于斯時也不有能斷曲直者而聽命焉則小者滅宗大者亡國相刃相廟特紛紛而未已也昔孫子曰夫解雜亂分糾者不控拳救鬪者不搏機批亢擣虛形格勢禁則自為解耳此解紛說也春秋之功利戰國之從衡秦漢而下之戰鬪三代而上無是也解紛者其誰乎嗚呼世道其衰矣

事類和其難

調人掌萬民之難而諧和之凡和難父之讐避諸千里之外從父兄弟之讐不同國

君之讐眦父師長之讐眦兄弟禮解其紛老子纓冠救聞

今有同室之人鬪者救之雖被髮一而往救之可也孟子

解驂贖罪

越石父賢在縲紲間晏子

出遭之途一左一右為上客

為人排難

魯仲連游趙聞魏王使客將軍新垣衍因平原君說

趙王欲令趙尊秦為帝仲連見新垣衍言秦稱帝之害新垣衍不敢復言帝秦秦將聞之為却五十里于是平

原君欲封魯連魯連辭不受平原乃置酒以千金為魯連壽魯連笑曰所以貴于天下之士者一解紛

亂而無取也即有取者是商賈之事

令家返女

蒯通曰

也連不忍為也遂辭平原君而去

肉姑以為盜而逐之婦所善里母曰我今一而一矣即束縲請火于亡肉家曰昨暮夜犬爭肉相殺諸火

治之亡肉家翼蔽沛公沛公見羽鴻門羽留飲范增數遽追呼其婦

翼蔽沛公

目羽擊沛公羽不應增出謂項

莊莊請以劍舞項伯亦起舞常以身一

詐稱

會聞事急直入燕羽有項沛公從間道走軍本紀

漢王

楚圍滎陽將軍紀信曰事急矣臣請誑楚可間出信乃乘王車黃屋左纛曰食盡漢王降楚楚皆呼

萬歲之城東觀以故漢王得遁去本紀

解平城圍

上繫韓王信遂往至平城為匈奴圍于白登上

自用陳平奇計厚賂單于閼氏乃解圍陳平傳

如朱家指

季布為項籍將數窘漢王籍滅高祖求布

千金魯朱家之雒陽見滕公說曰季布何罪臣各為其主用職耳項氏臣豈可盡誅耶君何不為上言之公許

諾果言一一滕公與語

韓信坐法當斬信乃仰視滕

公曰上不欲就天下何為斬

壯士一一奇其言壯其貌釋而不斬

王陵見怪

張蒼坐法當斬

解衣肥白如瓠時一一而一一其美士乃言

賈復交歡

沛公救勿斬後以為代相遷為計相本傳

見不修撫箏歌怨謝安為王國寶所譏孝武召桓伊飲怨註撫箏歌怨謝安侍坐伊一一而一一詩曰為君

既不易為臣良獨難忠信事不顯乃有見疑患安泣下
霑衿乃越席而就之將其鬚曰使君子此不凡帝甚有

愧施障申議

王凝之妻謝氏字道韞聰識有才辨凝之
弟獻之嘗與賓客談論詞理將屈道韞遣

婢白獻之曰欲為小郎解圍乃一青綾
步自蔽一獻之前一客不能屈晉書罪不至死權善

懷義悞斫昭陵柏罪當除名上特命殺之狄仁傑奏二
人一一曰張釋之有言設有盜長陵一抔土陛下

何以處之今以一株柏殺二將軍後代謂陛下何如臣
不敢奉詔恐陷陛下于不道且蓋見釋之于地下故也

上怒稍解二人
除名流嶺南

保其無他

議者言韓滉修石頭城陰蓄
異志上疑之以問李泌泌對

曰滉公忠清儉自車駕在外滉貢獻不絕且鎮撫江東
十五州盜賊不起皆滉之賢也滉不附權貴故多謗毀

願陛下察之臣敢
上令滉歸覲百口保君

杜兼誣奏李藩于張建
封之滉搖動軍情上大

怒密詔杜佑使殺之佑素重藩懷詔旬日不忍發因引藩出詔示藩藩神色不變曰此真執也佑曰君謹勿出

口吾已密論用——矣上召藩詣長安望藩儀度安雅乃曰此豈為惡者耶即日授秘書郎

一策

平憾

李德裕為兵部尚書初李宗閔與德裕有隙及德裕還自西川上注意甚厚朝夕且為相宗閔百方

沮之不能杜悰嘗詣宗閔曰悰有——可——宿——恐公不能用宗閔曰何如悰曰德裕有文學而不由科第常

用此為嫌若使之知舉必喜矣宗閔默然有問曰更思其次悰曰不則用為御史大夫宗閔曰此則可德裕驚

喜曰此大門官小子何足歐陽公辨誣臣伏見杜衍韓以當之寄謝重沓唐文宗

歐陽公辨誣

臣伏見杜衍韓琦范仲淹富弼

皆是陛下所素委任之臣一旦相繼而罷天下之士皆素知其可用之賢而不聞其可罷之罪臣職雖在外事不審知然臣竊見自古小人讒害忠賢其識不遠欲廣害善良則不過指為朋黨欲搖動大臣則必須誣以專

權其故何也夫去一善人而衆善人尚在則未為小人之利欲盡去之則善人少過難為一二求瑕惟指以為朋黨則可一時盡逐至如大臣已被知遇而蒙信任者則不可以他事動搖惟有專權是人主之所惡故須此說方可傾之杜衍為人清慎而謹守規矩仲淹則恢廓自信而不疑韓琦則純正而質直富弼則明敏而果銳四人為性既各不同雖皆歸于盡忠而其所見則各異平日閑居則相稱美之不暇為國議事則公言廷諍而不私以此而言臣見杜衍等真得漢史所謂忠臣有不和之節而小人讒為朋黨可謂誣矣臣聞有國之權誠非臣下之得專也臣切思仲淹等自入兩府以來不見其專權之迹而但見其善避權也陛下開天章閣召而賜坐授以紙筆使條其事弼等遲回近及一月方敢畧條數事仲淹老練世事必知凡百難猛更張故其所陳志在遠大而非多若迂緩但欲漸而行之以久冀皆有效弼性雖銳然亦不敢自出意見但舉祖宗故事請陛下

擇而行之自古君臣相得一言道合遇事而行更無推
避臣方怪弼等蒙陛下如此堅意委任督責丁寧而猶
遲緩自疑作事不果然小人巧譖而曰專權者豈不誣
哉陛下睿哲聰明有知人之聖觀選得此數人驟加擢
用今此數人一旦罷去而使羣邪相賀于
內四夷相賀于外此臣所以為陛下惜也

詩集倉卒解紛

酒酣舞長劍
漢李太白

不忍乘危

其韓

古今合璧事類備要續集卷五十一

欽定四庫全書

古今合璧事類備要續集卷五十二

宋 謝維新 撰

恩讎門

施恩

附

報恩

感恩

事理發揮

孔子曰以德報德以直報怨此恩讎說也

以衆人待我其不可以衆人報乎苑有豐約故報亦有厚薄非特人道為然也為善者報以福為惡者報以禍或者亦天之道歟

事類謂之惠

分人

以財

可以與

與與傷惠孟

無

尚往

來

其次務施報禮

恥積藏

樂分施而

與爾鄉黨

原思

宰與之粟九百辭子曰毋

救其親戚

孟嘗君招致諸侯遊士及有罪亡人

皆舍業厚遇之存

周顯王紀

家量獲民

昭公三年叔向問曰齊其

何如晏子曰其為陳氏矣齊舊四量豆區釜鍾四升為

鐘乃大矣以

焚券市義

馮驩貧乏

客為君收債於薛將行問市何物曰吾家寡有者市之

何市而返驢曰奉君之命市君家寡有者君之府藏盈

積惟欠義耳臣召諸債者合券而焚之市義而歸矣君

為之喜
語林
散與貧疏
中三致千金
范蠡之陶為朱公十九年之賑施貧

窮
原結身衣服車馬纔具妻子內分給租奉
梁商常曰
多藏厚己

為子孫累每祖奉則及兩宮賞賜便置中門外未嘗入
藏悉分與昆弟中外因年穀貴多有飢者輒令蒼頭以

牛車致米鹽菜錢於四城門共饗賜贈
疏廣尤子受上
外乞貧民不告其姓名漢記共饗賜贈
疏乞骸骨上許

之加賜黃金二十斤皇太子贈以五十斤既歸
鄉里樂與鄉黨宗族一其一一以盡吾餘日以與邑

里
張儉資計差溫初百姓飢荒乃傾竭以盼兄弟
扶風
財產與邑里共之賴其存者以百數以盼兄弟

茂陵人轉游隴漢間謂賓客曰丈夫為志窮當益堅老
當益壯因處田牧有牛馬羊數千頭穀數萬斛既而歎

曰凡殖財貨貴能施賑也否則守錢虜
乞人填門
尚書
耳敢盡一一一故舊身衣羊裘皮袴

令符稚為人樂施————嘗曰天下物何常債家從

救

一樊重假貸人間數百萬臨終遺令焚削文契——與米

一困

魯肅以賑窮士為務甚得邑人歡心周瑜為居巢

三千斛乃指一困與瑜益知其

散米千斛

為桂陽守使

奇也遂相親結定僑札之分

賑給士大夫空船而還父奇之

宗齊米數千斛至吳交易琮皆

報恩報以瓊琚

木瓜美齊桓公也衛國有狄人之敗出

服馬衛人思之欲厚報之而作是詩也投我報以臣禮

許之王送知瑩曰子其怨我乎對曰二國治戎臣

不才不勝其任以為俘馘執事不以蒙鼓使歸即戮君之惠也又誰敢怨王曰然則德我乎對曰二國圖其社稷而求紓其民各懲其忿以相宥也兩釋累囚以成其好臣不與及其誰敢德王曰子歸何以報我對曰臣不任受怨君亦不任受德王曰必告不殺對曰以君之惠累臣得歸骨於晉寡君之以為戮死且不朽若從君之惠而免之以賜君之外臣首首其請於寡君而以戮於宗亦死且不朽若不獲命而使嗣宗職次及於事而帥偏師以脩封疆雖遇執事其弗敢違其竭力致死無有二心以盡臣禮所以報也左成三年施者報

者厭左昭二十四年出爾反爾者也孟子結草亢

敵力門倒戟禦徒宣子田於首山舍於翳桑見靈輒餓問其病曰不食三日矣食之舍其半

問之曰宦三年矣未知母之存否今近焉請以遺之使盡之而為之簞食與肉真諸橐以與既而與為公介

人也問其名居不告而退遂自亡宣二年推鋒爭死

秦繆公亡善馬岐下野人共得而食之者三百餘人吏

欲法之公曰君子不以畜產害人吾聞食善馬肉者不

飲酒傷人皆賜酒而赦之後秦擊晉三百人求從公為

晉軍所圍皆一一一一遂脫繆公反生得晉惠公史記

退舍報惠子犯曰微楚之惠不及此三故來死君中

君饗都大夫司馬子期在馬羊羹不徧子期怒而走於

楚以伐中山君中山君亡走有挈戈隨其後者顧謂二

人子美為對曰臣父嘗餞且死君下壺飡脯臣父臣父

且死曰中山有事汝必死之一一一也中山君慨然

曰吾以一杯羊羹亡國以常願湔敵楚莊王賜羣臣酒

一壺飡得二人戰國策日暮燈燭滅有人

引美人衣美人援絕其冠纓告王曰有引妾衣者妾絕

其纓取持火來視絕纓者王曰今已飲不絕纓者不歡

君臣百官皆絕冠纓乃出火居二年晉與楚戰有一人
常在前五合五獲首怪而問之對曰臣乃夜絕纓者也
王隱忍不爆而誅一肝腦每食必祝楚欲殺伍胥胥
塗地頸血一久矣遂平晉
者在後至江江上有一漁父乘船知伍胥意乃渡伍胥
伍胥既渡解其劍曰此劍直千金以予父父曰楚賞五
城金千鎰以求子吾尚不取何用劍視如國人孟子曰
乎胥後一求子之曰祝江上丈人視如國人君之視
臣如土芥則臣報以衆人豫讓曰范中行衆人遇我我
一君一一臣報以衆人以衆人報之智伯國士遇我我
我以國士報一飯必償范雎一一之本百錢必償蘇秦之
之戰國策
一為資及佩六國相印德者徧報蘇秦徧報諸所嘗見
得富貴以百金償之
乃前自言秦曰我非忘子子之與我至燕再三欲恩者
去我易水之上方是時我固望子深是以後子

皆報

朱買臣為會稽太守悉召見故鄣侯錢二為漢蕭何

吏高祖為布衣時數以吏事護高祖高祖以吏繇咸陽

吏皆送奉錢三

何獨以五及高祖即帝位何為丞相封

一食邑八千戶乃益封二千戶以亭長錢百韓信從

嘗繇咸陽時何送我獨贏一也

昌亭長食亭長妻苦之乃晨炊蓐食信往不為具食自

絕去至城下釣有一漂母哀之飯信信曰吾必重報母

母怒曰大丈夫不能自食吾哀王孫而進食豈望報乎

項羽死高祖襲奪信軍徙為楚王都下邳信至國召所

從食漂母賜千金及下鄉一曰公小人為德不

竟召辱已少年以為中尉告諸將相曰此壯士也方辱

我時寧不能殺殺之無盜妻者報盜袁盎為吳相時有

名故忍而就此本傳盜妻者報盜從史盜盎所愛侍

兒盎知之不泄遇之如初人有告從史言君知爾與侍

者通乃亡歸盎駭自追遂以侍者賜之復為從史及袁

者通乃亡歸盎駭自追遂以侍者賜之復為從史及袁

盜使吳見守從吏適為校司馬中夜引盜起曰
君可以去矣吳王期旦日斬君盜謝之而去 執炙者

報榮

顧榮與同僚宴飲見執炙者狀貌不凡有欲炙之
色榮割啗之坐者問其故榮曰豈有終日執之而

不知其味者乎及趙王倫篡位以榮為長史倫
敗榮被執將誅而一一者為督率救之而免 行觴者

報鏗

陰鏗為湘東王參軍與賓客宴飲一一因回酒
炙授之坐客皆笑鏗曰吾儕終日酣酒而執爵者

不知其味非人情也及侯景亂鏗為賊
擒或救之得免鏗問之乃前行觴者 凡微時一殮初

達過侃達因薦侃於廬江太守張夔後侃都督江州移
鎮武昌侃命張夔子隱為參軍范達子珖為湘東太守

一一所荷
咸報陶侃傳

感恩何日忘之

一一中心藏之
一一詩隰桑 夫人及此 微一一之力
一一左襄

七生死骨肉

所謂也

襄十二

尸祝社稷

相與而一而一之莊子

解衣衣我

武涉說韓信曰足下何不反漢與楚信謝曰臣得事項王數年官不過郎中言不聽策不

用故背楚歸漢漢王授我上將軍印數萬之造門謝恩

衆一一一推食食我言聽計用背之不祥

何武每奏事京師戴聖未嘗不一一一

負恩忘我大德一一一思我不念昔者有洗有漬既

來堅詩晉閉秦糴晉饑秦輸之粟秦饑莽負漢恩王

使安陽舜見太后后曰而屬父子宗族蒙漢家力富貴

累世既無以報受人孤寄乘便利時奪取其國不復顧恩義

人如此者狗猪不食其餘天下白敏中負李德裕白敏

豈有而兄弟耶通鑑漢明帝紀

李德裕薦入翰林為學士及德裕貶敏中為相詆之事甚力或曰人臣事君公義而已何以私恩為乎敏中之事未足深咎也愚竊以為不然人臣能盡私恩然後能盡公義敏中之罪不容誅矣孔子曰事親孝故忠可移於君事兄悌故順可移於長推此言之則背師賣友之人必不能以忠許國何者於所厚者薄則所施無不薄也昔呂布為丁原主簿為董卓而殺原又為王允而殺卓及兵敗被執魏祖欲生之劉先主曰明公不見布之事丁建陽董卓師乎於是殺布漢封陳平辭曰非魏無知臣安得進上曰若子可謂不背本矣乃復賞魏無知其後誅呂氏而安劉氏者平與周勃也夫以布之不忠於丁董也其肯忠於曹氏乎以陳平之不負魏無知也其肯負於劉氏乎此魏所以誅布漢所以屬平者也然則敏中之事蓋可見矣雖然敏中所以負德裕也亦有繇焉傳曰盜憎主人主人何負於盜而盜憎之乎蓋自度其事必為主人所惡故也白氏系與楊虞卿家居易

又與李宗閔牛僧孺厚若敏中本無英氣雖緣德裕以進而不能無意於僧孺宗閔虞卿之徒自度其事必為德裕惡也故因其勢力以擠之耳夫德裕忠臣也非罪而被斥天下皆知其冤矣使敏中素與仇猶當為社稷而救之況因之而進耶然則敏中豈惟不忠於德裕亦不忠於唐也愚故曰人臣能盡私恩然後能盡公義敏中之罪不容誅矣然則公義私恩適不兩全則如之何以道權之而已義重而恩輕則不以私害公若河曲之後趙宣子使人以其乘車於韓厥執而戮之是也恩重而義輕則不以公廢私若庾公之斯追子濯孺子抽矢扣輪去其鏃發乘矢而後反是也夫公義私恩不兩全猶當以道權其輕重奈何無故而廢之哉雖然逢蒙殺羿孟子以為是亦羿有罪焉以此言之

詩集感君恩重

燕南壯士吳門豪
筑中置鈎魚隱刀
許君命泰山一擲輕
鴻毛結襪

子出君焦灼

咫尺炎涼變四時
君詎知韋應物

寸心銘佩

牢杜

主人覆護

當一緋袍臨川

吞炭難酬

馮京當世少嘗薄

守王公素釋之及使關中王方帥渭與宴集甚歡
貽之詩曰
一日事積薪深愧後來恩

古今合璧事類備要續集卷五十二

欽定四庫全書

古今合璧事類備要續集卷五十三

宋 謝維新 撰

恩讎門

報讎 附

快讎

事理發揮 與施恩同

事類君之讎

父禮調人視

父之讎

弟之讎不與共戴天

讎不同

師長之讎

兄弟禮調人視

交友之讎

從父兄弟同

上昆弟之仇

與子夏請問

君命而使

雖遇之何子曰仕弗

讎

不同國

從父昆仲之禮調人

仇不為

弟之仇如之何曰昆

兵而陪其後記

九世猶可

襄公將復讎乎周紀遠祖九

世矣

三年拜賜

晉敗秦於殽獲孟明曰君之惠不以累臣

免之 將一君一文二年戰於彭衙秦師敗績晉人謂

秦拜賜之

三年乃報

曰夫差使人立於庭苟出入必謂已

對曰唯不敢

報東門役

宋公陳侯蔡人衛人圍其

隱五年 報會稽恥

越越子以甲楯五千保於會稽使大

夫種因吳太宰嚭以行成伍員諫弗聽退而告人曰越
十年生聚而十年教訓二十年之外吳其為沼乎十三
年越人入雪夫椒取勾踐反國乃苦身焦思置膽於坐
吳哀元年雪夫椒取勾踐反國乃苦身焦思置膽於坐
王念欲復怨夏則握火寒則抱冰吳越
春秋卧薪嘗膽以一一一之坡文鞭荆平墓楚平
太子名建使伍奢為太傅費無忌為少傅無忌讒太子
建及伍奢王怒太子建奔吳楚并殺奢及其子伍尚次
子伍負奔吳及闔廬立使伍員迎擊大破楚軍遂至郢
楚昭王出奔子胥即負也求昭王不得乃掘楚平王墓
出尸鞭之三百中包胥曰子之報讎其已甚乎子固平
王之臣親北面而事之今至於僇死人此豈無天道之
極乎書龐涓死龐涓自以能不及孫臏以法斷臏兩足涓
將而孫子為師居輜重中坐為計謀涓信日并行逐之
孫子度其行暮當至馬陵馬陵道狹而旁多險阻可伏

兵乃斫大樹白而書之曰龐涓死於此樹之下龐涓夜
至斫樹下見白書乃鑽火燭之讀其書未畢齊軍萬弓
俱發魏軍大亂龐涓乃願請君衣豫讓事智伯甚見尊
自到曰遂成豎子之名龍趙襄子滅智伯讓
變姓名入宮塗廁欲刺襄子襄子如廁心動就問則豫
讓襄子曰義人也釋之讓又漆身為癩吞炭為啞行乞
於市頃之襄子出讓伏橋下襄子至橋馬驚曰是必豫
讓也襄子數之曰子不嘗事范中行氏乎智伯盡滅之
子不為報讎反臣於智伯今何報讎之深也讓曰范中
行氏衆人遇我故衆人報之智伯國士遇我我故國
士報之今日臣固伏誅——之——而擊之以致報讎
之意雖死不恨襄子大義之持衣與讓拔劍三躍而擊
之曰可以下報智且盜若城張儀嘗從楚相飲已而楚
伯遂伏劍自殺相亡壁門下意張儀執張
儀皆掠數百下不服釋之儀既相秦為文機告楚相曰
始吾從若飲我不盜而壁若答我若善守汝國我——

一為燕報讎

賢燕太子丹怨秦王欲報之聞衛人荊軻之

莫若合從丹之私計愚以為誠得天下之勇士使於秦
劫秦王使悉反諸侯侵地不可因而刺殺之唯卿留意
荊軻許之軻曰行而無信則秦未可親也誠得樊將軍
首與燕督亢之地圖奉獻秦王王必悅見臣乃有以報
乃私見於樊於期曰聞購將軍首金千斤邑萬家今願
得將軍之首以獻秦王王必喜見臣臣左手把其袖右
手搃其脅則將軍之仇報而燕見陵之愧除矣樊於期
曰此臣之日夜切齒腐心也遂自刎以函盛其首太子
豫求天下之利匕首使工以藥淬之以試人血濡縷無
不立死者乃裝為遣荊軻入秦荊軻至咸陽王大喜見
之荊軻奉圖以見於王王圖窮而匕首見因把王袖而搃
之袖絕荊軻逐王王環柱而走王負劍拔以擊荊軻斷
其左股遂為韓報仇見勇力
解體以徇

快讎殺子玉喜

城濮之役晉師三日穀文公猶有憂色
左右曰有喜而憂如有憂而喜乎公曰

得臣猶在憂未歇也困獸猶鬪況國相乎及殺王甫喜

王甫父子應時誡截路人士女莫
不稱善若除父母之讎漢靈紀置炷於臍呂布刺董卓

王甫父子應時馘截路人士女莫
不稱善若除父母之讎漢靈紀

置炷於臍

卓呂
百布
姓刺
歌董

舞於道長安中士女賣其珠玉衣裝市酒肉相慶者填滿街肆守尸吏為火炷置卓臍中燃之光明達曙如是

積日漢
獻紀
爭啖其肉
來俊臣棄市時人無不快俊臣仇家
俊臣之肉斯須而盡抉眼剥面

積日漢
獻紀

爭啖其肉

來俊臣棄市時人無不快俊臣仇家
一一俊臣之肉斯須而盡抉眼剥面

披腹出心騰踏成泥士民皆相賀於
路曰自今眠者始貼席矣唐武紀
罷瓘相賀
瓘吐突承瓘首唱

披腹出心騰踏成泥士民皆相賀於
路曰自今眠者始貼席矣唐武紀

罷璫相賀

吐突承
確首唱

尉用兵疲弊天下上承中貶轉相賀州司戶市井皆

尉用兵疲弊天下上承中貶轉相賀

皇甫一為崖
州司戶市井皆

韓愈復讎議

穆紀
唐

韓愈復讎議

右伏奉今月五日勅復讎據禮經則義不同天徵法令則殺人者死

禮法二事皆王教之端有此異同必資論辨宜令都省集
議聞奏者韓愈議曰子復讎見於春秋見於禮記又見
於周官又見諸子史不可勝數未有非而罪之者也最
宜詳於律而律無其條非闕文也蓋以為不許復讎則
傷孝子之心而乖先王之訓許復讎則人將倚法專殺
無以禁止其端矣夫律雖本於聖人然執而行之者有
司也經之所明者制有司者也丁寧其義於經而深沒
其文於律者其意特使法吏一斷於法而經術之士得
引經而議也周官曰凡殺人而義者令勿讎讎之則死
義宜也明殺人而不得其宜者子得復讎也此百姓之
相讎者也公羊傳曰父不受誅子復讎可也不受誅者
罪不當誅也誅者上施下之辭非百姓之相殺也又周官
曰凡報仇讎者書於士殺之無罪言將復讎必先言於
官則無罪也今陛下垂意思立定制惜有司之守憐孝
子之心示不自專訪議羣下臣愚以為復仇之名雖同
而其事各異或百姓相讎如周官所稱可議於今者或

為官吏所誅如公羊所稱不可行於今者又周官所稱將復讎先告於上則無罪者若孤稚羸弱抱微志而伺敵人之便恐不能自言於官未可以為斷於今也然則殺之與赦不可一例宜定其制曰凡復父讎者事發具其事中尚書省尚書省集議奏聞

朱元晦議序

君臣

之大倫天之經地之義而所謂民彝也故臣之於君子之於父生則敬養之死則哀送之所以致其忠孝之誠者無所不用其極而非虛加之也以為不如是則無以盡乎吾心云爾然則其有君父不幸而罹於橫逆之故則夫為臣子所以痛憤怨疾而求為之必報其仇者其志豈有窮哉故記禮有曰君父之讎不與共戴天寢苦枕戈不與共天下也而為之說曰復讎者可盡五世則又明夫雖不當其臣子之身而苟未及五世之外則猶在乎必報之域也雖然此特庶民之事耳若夫有天下者承萬世無疆之統則亦有萬世必報之讎非若庶民

五世則自高祖以至玄孫親盡服窮而遂已也國家靖
康之禍二帝北狩而不還臣子之所痛憤怨疾雖萬世
而必報其仇者蓋有在矣太上皇帝受命中興誓雪父
仇之辱雖其間亦或為姦謀之所前却而聖志益堅至
於紹興之初賢才並用綱紀復張諸將之兵屢以捷報
恢復之勢蓋已什八九成矣北人於是始露和親之議
以阻吾計而宰相秦檜歸自北庭力主其事當此之時
人倫尚明人心尚正天下之人無賢愚無貴賤交口合
辭以為不可獨士大夫之頑鈍嗜利無恥者數輩起而
和之清議不容詬罵唾斥欲食其肉而寢處其皮則其
於檜可知矣而檜乃獨以梓宮長樂藉口攘却衆謀焚
惑上聽然後所謂和議者翕然以定而不可破自是以
來二十餘年國家忘仇敵之事而懷宴安之樂檜亦因
是藉外權以專寵利竊主柄以遂姦謀而向者冒犯清
議希意迎合之人無不黃緣驟至通顯或乃踵檜用事
而君臣父子之大倫天之經地之義所謂民彝者不復

聞於搢紳之間矣士大夫狃於積衰之俗徒見當時國家無事而檜與其徒皆享成功無後患顧以忘讎忍辱為事理之當然主議者慕為檜游說者慕其徒一雄唱之百雌和之癸未之議發言盈庭其曰金世讎不可和者尚書張公闡左史胡公銓而止耳自餘蓋亦有謂不可和者而其為說不出乎利害之間又其餘則雖平時號賢士大夫慨然有六千里為讎人役之嘆者一旦進而立乎廟堂之上顧乃惘然如醉如幻而忘其疇昔之言厥或告之曰此處士之大言耳嗚呼秦檜之罪所以通於天萬死而不足以贖者正以其始則唱邪謀以上國中則挾敵勢以要君使人倫不明人心不正而末流之弊遺君後親至於如此之極也夫惟三綱不立是以衆志無所統繫而上之人亦無所憑藉以為安斯乃有識之士所為長慮却顧而凜然以寒心者而說者猶曰姑以衆論之從違而卜事理之可否則今日士大夫是和者之多蓋不下前日非和者之衆也獨安得以前

日之不可而害今日之可哉嗚呼是未知前日人倫之
明而今日人倫之不明前日人心之正而今日人心之
不正也且若必以人之衆寡為勝負則夫所謂士大夫
是和之多者又孰若六軍萬姓之多耶今六軍萬姓之
言則是二公之言而已蓋君臣父子之大倫天之經地
之義而所謂民彝者其於世也有明晦其人在人也無存
亡是以雖當頽壞廢弛之餘邪議四起無復忌憚而不
能斬伐銷鑠使之無作也奈何不聽於此顧反決得失
於前日所謂頑鈍嗜利無恥者之其餘謀此已墜之三綱
所以未能復振已墜之萬事所以未能復理而上之人
終亦未能有所憑藉以成安強之勢也今南北甫驩中
外無事迂愚左見所謂萬世必報之讎者固無所復發
其口矣竊伏世間不勝憤嘆因讀魏元履所以叙次戊
午讜議為之慨然流涕蓋傷其禍殃之自始也懷不能
已姑論其始終槩梗如此以發明元履所為叙次之意
并以致草野孤臣畢義願忠之誠當國者儻有取焉則

猶足以裨廟謨之萬一也
胡明仲豫讓論
君子為名譽而

而非區區之所敢望也
不誠人臣為利祿而効忠則其忠必不盡雖然滔滔皆

是也之人也殆庶幾乎美觀而不足於夷攷矣使智伯

有後而豫子為之奮不顧身其報仇之心未可知也智

伯無後矣氣勢無可倚富貴無可求矣子孫無所可託

矣而讓也不忘國士之遇以死許之至再至三而愈篤

則無所為而為之者故曰真義士也此非特可以為委

質事人之法無所為而為善雖大學之道不過如是也

襄子知其如此獨無以勉而旌之乎而終於殺之何以

為人臣而不懷二心之勸哉

前史列讓於俠士非也

詩集雪恥除兇

報千古唐太宗
挺身張目
除艱難

寇讎杜甫詩

古今合璧事類備要續集卷五十三

欽定四庫全書

古今合璧事類備要續集卷五十四

宋謝維新撰

恩讎門

報怨附 不修怨

事理發揮與報讎同

事類以怨報

有所懲表記

以直報

子曰何以報德

語

置莖豆

魏相魏齊笞擊范睢睢佯死即卷以簣置廁中范睢得出遂相秦號曰張祿而魏不知以

為范雎死矣魏聞秦且東伐韓魏使須賈於秦范雎
聞之為微行敝衣閒步之邸見須賈須賈見之驚曰范
叔無恙乎曰為人庸賃須賈哀之留與坐飲食乃取其
一綈袍賜之因問秦相張君雎曰主人翁願為君借大
車駟馬於主人翁范雎歸取大車駟馬為須賈御之入
秦相府須賈立門下待雎良久問門下曰范叔不出何
也門下曰乃吾相張君也須賈大驚自知見賣乃肉袒
膝行因門下人謝罪范雎曰汝罪有三所以得無死者
以綈袍戀戀有故人之意故釋公入言之昭王罷歸范
雎大供其盡請諸侯使坐堂上飲食甚設而坐須賈於
堂下
食之又曰范雎眦睚之怨必報本傳封羹頡丘嫂之轅
奎
一侯楚元王傳母效丁城西及項氏滅丁公謁見高祖
以丁公徇軍中曰丁公為項王臣不忠使項氏失天
下遂斬之曰使後為人臣者一一公也季布傳請

斬錯

楚不反抵罪及吳楚果反錯欲治盜盜恐夜見寶

嬰為言吳所以反願至上前口對狀嬰入言上乃召盜

上曰吾不愛一人以謝

斬醉尉

漢李廣以將軍擊匈奴坐亡失多與故穎陰侯

屏居藍田南山中射獵嘗從一騎出從人田間飲還至

霸陵尉醉呵止廣廣騎曰故李將軍尉曰今將軍尚不

得夜行何故也廣宿亭下居無何武帝召廣為右北平

太守廣請霸陵尉與俱至軍斬之上書謝罪上報曰報

忿除害捐殘去殺朕之所圖於將軍也若迺免冠徒跣

稽顙請罪豈朕之指哉將軍其率師東轅以臨右北於

秋斬掾吏

後集京尹門毋入偃門有淫佚之行上拜偃

為齊相至齊徧召昆弟賓客散五百金與之數曰吾始

貧時昆弟不我衣食賓客不我內門今吾相齊諸君迎

我或千里吾與諸君絕矣復一乃使人告王與
姊奸事動王王自殺上大怒以為偃劫其主令自殺偃
方貴幸時客以千數及族死無一人視陳滅器計馬援
獨孔車收葬馬上聞以車為長者本傳陳滅器計馬援
曰夫居前不能令人輕居後不能令人軒與人怨而
不能為人患臣所恥也願詣行在所一陳一力

享杖罰

晉何曾位太宰性華侈都官從事劉享嘗奏曾

勿應享謂至公之體不以私憾遂應辟加吏鞭箠梁沈

會因小事一一外寬內忌如此

餘姚令始至富吏皆鮮衣美服自別瑤怒恚令着芒屨

龐布侍立終日足有蹉跌輒一鞭箠瑤微時嘗至餘姚

所辱故報之操所不樂曹操小字曰某甲卿非我不
得冀州也操笑曰汝言是也導所甚周顗曰今年殺
然內不樂後竟殺之漢獻紀

斗大繫肘王導甚銜之
顛為王敦所害本傳

孫秀宿恨

孫秀既恨石崇不與
綠珠又憾潘岳昔遇

之不以禮後秀為中書令岳省內見之因喚曰孫令憶
壽昔周旋否秀曰中心藏之何日忘之岳父文德為郎

邳太守孫秀為小吏給使岳數踉蹌不以人遇之後收
石崇及岳石先送市亦不相知潘後至石謂潘曰安仁

知亦復爾耶潘曰可謂白首同所歸潘金谷詩
云投分寄石友白首同所歸乃成其識世說

右軍嫌

陳王右軍素輕藍田述藍田晚節論譽輕重右軍尤不
平藍田於會稽丁艱停山陰治喪右軍代為郡佯言

出弔連日不果後詣門自通主人既哭不前而去以陵
辱之於是嫌隙大構後藍田臨楊州右軍尚在郡初得

消息遣一參軍詣朝廷求分會稽為越州使人受意失
旨大為時賢所笑藍田密使從事數其在郡不法以先

有隙令自為其宜右軍遂
稱疾去郡以憤慨致終

延賞宿憾

張——與李晟有
——及俱入朝韓

浼從容邀晟平憾且使薦延賞於帝復拜平章事實既不
宴禁中帝出瑞錦一端以示和解因為子求婚延賞不
許晟曰吾武夫雖有舊惡盃酒即解儒者難貶晏忠州
犯外睦而內含怒今未許婚釁未忘也本傳
楊炎為吏部侍郎晏為尚書盛氣不相下晏治元載
罪而坐貶及炎執政街宿怒將為載報仇遂罷一一
一判史炎必欲傳其罪知庾準與晏素憾乃擢為荆南
節度使準即奏晏與朱泚書語言怨望又慙卒擅取官
物脅詔使謀作亂炎證成之建中
元年詔中人賜晏死天下以為冤
出逢巴州李吉甫為
怨唐憲宗通鑑薛逢與劉瑑相善瑑詞藝不逮逢每
侮之後瑑作相逢為郎官有薦薛逢知制誥者瑑以故
事給舍須歷郡縣一一為
一一判史又見同年門
恩怨必報李訓鄭注平生絀
唐文
恩讎皆報桑維翰拜相故人韓魚通謁公默不語
宗紀
魚退曰桑公吾故人今見之有不可犯

之色翌日告別公曰吾奏子姓名授子學士俄有二人持箱中有黃詔及袍笏之類公置酒開懷曰未炳秀才安乎頃取相愛爲吾召來一如魚禮他日又曰羗岵秀才何在最相鄙薄君子不念舊惡爲吾作書召之當與一官岵至忽有數人執岵云羗岵謀反罪當處斬岵大呌曰韓魚召我來受官我何罪乃斬之魚乃告疾還鄉一日公坐小軒見岵來曰相公生殺在已岵昔日同場屋開相諧謔乃戲笑耳相公何報之深也吾上訴於天帝矣公曰吾爲子飯僧誦佛書可乎岵曰得君之命而已公不久果死青鎖

出普河陽

中爲翰林學士時趙普專政帝患之欲聞其過一日召儀語及普所爲多不法且譽儀早負才望之意儀盛言普開國勲臣公忠直亮社稷之鎮帝不悅儀歸言於諸弟張洎引滿語其故曰我必不作宰相然亦不詣朱崖吾門可保矣旣而召學士盧多遜多遜嘗有憾於普又喜其進用遂攻普之短出鎮河陽普之罷甚危賴以舊

熟脫禍多遜遂參知政事作相太平興國七年貶盧崖
普復入相多遜有崖州之行是其言之驗也

州上**造成案底**富鄭公與韓公議不合富恨之至不弔
魏公喪富公守某州魯直為尉久未之

任在路遷延富有所聞大怒及到遂不與交代後幕幹
勸之方肯及魯直在史館修韓魏公傳使人問富曾弔

韓喪否知其不曾遂以此事送下案中
雖修去此事而有案底竟不可去魯直也可謂幸但魏

公年年却使人去鄭公家上壽
地便是富不如韓較寬朱語錄

不修怨不宿怨萬章曰象日以殺舜為事云云封之有庫
有庫之人奚罪焉仁人之於弟也不藏怒

馬一馬親愛**不含怒**周公曰嗚呼自殷王中宗及
之而已矣孟子高宗及祖甲及我周文王茲

敬德厥愆曰朕之愆允若時不啻不敢
四人迪哲厥或告之曰小人怨汝詈汝則皇自**不念舊**

惡

子曰伯夷叔齊一怨是用希語

亦恥匿怨

子曰匿怨而友其人左丘明耻之丘亦耻

之

得仁何怨

冉有入曰伯夷叔齊何人也曰古之賢人也曰怨乎曰求仁而

在

邦無怨

仲弓問仁云云已所不欲勿施於人

竊灌楚瓜

大梁

夫宋就為邊縣令與楚隣界梁楚邊亭皆種瓜梁亭劬

力數灌其瓜美楚人窳而希灌其瓜惡楚令以梁瓜之

美怒因往夜竊搔梁瓜梁覺之欲往報搔楚瓜宋就曰

是構怨之道也乃令夜往一為楚一為楚一瓜楚且往則已灌

瓜伺而察之則梁亭為也楚令大悅因具告楚王楚

王乃謝以重幣故梁楚之讎由宋就也賈誼新書又

飢晉粟

僖十五年初晉饑秦輸之粟秦饑晉閉之糴故秦伯伐晉戰於韓原獲晉侯是歲晉又饑秦

矜其民始樹德焉左

卒相管仲

鮑叔帥師來言曰子糾親也請君討之管

召隲也請受而甘心焉乃殺子糾於生竇召忽死之歸而以告曰管夷吾治於高俟使相可也公從之左莊九

卒見寺披

晉文公入寺人披請見公使讓之且辭焉曰蒲城之役君命女一宿女即至其後余從狄

君以田渭濱女為惠公來求殺余命女三宿女中宿至雖有君命何其速也夫祛猶在女其行乎對曰臣謂君

之入也其知之矣若猶未也又將及難君命無二古之制也除君之惡唯力是視蒲人狄人余何有焉今君即

位其無蒲狄乎齊桓公置射鉤而使管仲相君若易之何辱命焉行者甚衆豈惟刑臣公見之以難告左僖二

十遽見頭須

晉侯之豎頭須守藏者也其出也竊藏以逃盡用以求納之及入求見公辭焉以沫

謂僕人曰沫則心覆心覆則圖反宜吾不得見也居者為社稷之守行者為羈紲之僕其亦可也何必罪居者

國君而隲匹夫懼者甚衆矣僕卒用孟明
晉敗秦師於
人以告公——之左僖二十四
殺獲孟明視

以歸文嬴請之使歸公許之秦伯素服郊次鄉師而哭
曰孤違蹇叔以辱二三子孤之罪也不替孟明孤之過
也大失何罪且吾不以一
青掩大德左僖三十三
因赦季布見前解卒善田甲

漢韓安國為梁中大夫坐法抵罪獄吏田甲辱之安國
曰死灰獨不復然乎甲曰然即溺之居無幾漢拜安國
為梁內史起徒中為二千石田甲亡安國曰甲不就官
我滅而宗甲肉袒謝安國笑曰公等足與治乎卒善遇
之至門謝罪周赧王三十六年趙以藺相如為上卿位在廉頗之右頗曰我為趙將有功相如徒

以口舌而位居上吾羞不忍為之下宣言曰我見相如
必辱之相如聞之每朝嘗稱病不欲爭列出而望見輒
引車避匿其舍人皆以為恥相如曰子視廉將軍孰與
秦王曰不若相如曰夫以秦王之威而相如廷叱之辱
其羣臣相如雖驚獨畏廉將軍哉顧吾念之強秦之所
以不敢加兵於趙者以吾兩人在也今兩虎方鬪勢不

俱生吾所以為此者先國家之急而後私讎也同車共

出

漢光武二年賈復部將殺人潁川太守寇恂捕而戮之復以為恥謀殺恂恂知其謀不欲與相見弟子谷

崇曰崇將也得帶劍侍側卒有變足以相當恂曰不然昔蘭相如不畏秦王而屈於廉頗者為國也乃救屬縣

盛供具儲酒醪執金吾軍入界一人兼二人之饌恂出迎於道稱疾而還復勒兵欲追之而吏士皆醉遂過去

恂遣谷崇以狀聞帝乃徵恂至引見時賈復先在坐欲起相避帝曰天下未定兩虎安得私鬪今日朕分之於

是並坐極歡遂一不忘上壽見前造成何暇恤私趙

獻為御史力攻陳恭公范文正公范蜀公知諫院獨救之清獻遂併劾蜀公黨宰相懷其私恩蜀公復論御史

以陰事誣人是妄加人以死罪請下詔斬之以示天下熙寧初蜀公與時論不合求致仕或欲遂謫之清獻不

從或曰彼不嘗欲斬公者耶清獻曰吾方論國事一

聞者尤嘆服不省前言孫文懿公眉州人少時家貧欲

李昭言戲之云似君人物求試京師有幾文懿以第三

登第後判審官院李昭言者赴調見公恐甚意公不忘

前日之言也公特差昭言知眉州又公嘗聚徒榮州得

束修之物持歸為一村鎮將悉稅之至公任監左藏庫

鎮將者部川絹綱至見公愧懼公慰籍不怨臺劾公以

之贈黃金一兩其盛德如此聞見錄

太尉畱守西京唐介參政之子義問為轉運判官文潞

公謂曰仁宗朝先參政為臺諫以言某謫官某亦罷相

判潭州未幾某復召還相位某上言唐某所言正中臣

罪召臣未召唐某臣不敢行仁宗用某言起參政通判

潭州尋至大用與某同

執政相知為深聞見錄

不易臺記陳希亮字公弼剛正

人也嘉祐中知鳳翔

古今合璧事類彙編

府東坡初擢制科發書判官事吏呼蘓賢良公怒曰府判官何賢良也杖其吏不顧或謁入不得見故東坡客次假寐詩云雖無性命憂且復忍斯須後九日獨不預府宴登真興寺閣詩云憶弟恨如雲不散望鄉心似雨難開其不堪如此又詩案云任鳳翔府僉判為中元節不過府廳罰銅八斤亦公弼案也坡作齋醮禱祈諸神文公弼必塗墨改定數往返至為公弼作凌虛臺記曰東則秦穆公祈年橐泉南則漢武帝長楊五柞北則隋之仁壽唐之九成計一時之盛宏傑詭麗堅固而不可動者豈特百倍於臺而已哉然數世之後欲求其髣髴破瓦頽垣無復存者旣已化為禾黍荆棘丘墟隴畝矣而況於此臺歟夫臺不足恃於久長而況於人事之得喪忽往而忽來者歟或者欲以夸世而自足則過矣公弼覽之笑曰吾視蘓明允猶子也某猶孫子也平日不以辭色假之者以其年少暴得大名懼夫滿而不勝也乃不吾樂耶不易一字亟命刻之石朱語錄

快怨佳人怨

劉禹錫柳子厚與武元衡素不協二人之以

俾元衡之死其實快之子

厚古東門行亦然朱語錄東門行見上

詩集中道絕

棄捐篋笥中恩情多容忤希怨猶逢怒

柳寫餘恨

怨句坡

不修怨聊相贖

德怨前人

常自嗟

紅顏勝人多薄命莫

明妃曲

古今合璧事類備要續集卷五十四

欽定四庫全書

古今合璧事類備要續集卷五十五

宋 謝維新 撰

禍福門

禍福

附

致禍 避禍

嫁禍 防患

樂禍 畏患

事理發揮

禍福善惡之報也然人皆知求福而不知所以為善皆知避禍而不免是非天之不仁也

往求福而福不應避禍而禍不免是於小人之福常而所以感召之者未善也故禍每加於小人之福常歸於君子善惡之報昭昭矣或者為善未必福應而反得禍為惡未必禍應而或得福則以為天理有時

而或與也。愚謂善有時而得禍，惡有時而獲福者，天之未定也。善積而禍必滅，惡盈而福必消者，天之終定也。書曰：惟吉凶不僭在人，惟天降災祥在德焉。可厚誣哉。

事類善不善

作一降之百祥作

能不能

福一者養之以

以取禍左

自求福

詩多

自求禍

是己求之者孟子

不懼不喜

君子禍至

家語

所倚所伏

禍兮福一老子德

福之基

夫一厚塋也

其壞無日矣晉語

言禍之門多

是家語

牛生白犢

宋人有好行仁義者，三年不懈家

又問孔子曰：「吉祥也。」復教以祭居一年，其子復無故而

育其後楚攻宋圍其城丁壯者皆乘城而戰死者大半此人以父子有疾皆免及解圍而疾俱復列子大驚

墮腐鼠

博虞氏者梁富人也登高樓臨大路設樂陳酒擊博其上而游俠相隨行樓下博者射中而笑

一志乃辱我以腐鼠請滅其家夜乃攻虞氏大滅之列

子何不為福

種曰湯繫夏臺文王囚羑里晉重耳奔翟

齊小白奔莒其卒王霸由是觀之何遽不為福乎史越世家

安知非禍

北叟塞上之翁也馬無故

亡入胡人吊之翁曰安知非福乎後其馬將胡駿馬而歸人賀之翁曰一一一乎其子騎墮而折臂人吊之

曰安知非福乎後胡兵大出丁壯者戰死唯子以跛故得父子相保故以北叟知禍福相因倚而生也淮南子

包藏禍心

趙孟曰楚使子圍聘於鄭鄭使行人子羽與之言曰大國無乃一一一一以圖之母

為禍梯

史記趙武靈王時公子章欲作亂李兌謂相國肥義曰子胡不稱疾傳政毋為怨府

致禍虞叔有玉

見前貪濁門

子罕辭玉

宋人有得玉獻諸子罕弗受曰我以

不貪為寶爾以玉為寶若以與我皆喪寶也不若人有其寶稽首告曰小人懷璧不可以越鄉納此以請死也

使王人攻之富而後使復其所左襄十五年

直言必及

晉伯宗每朝其妻必戒之曰子好

一於難後晉三年

小才見殺

盆成括仕於齊孟子曰死矣盆成括盆成括見殺門

人問曰夫子何以知其將見殺曰其為人也有勇死才未聞君子之大道也則亦足以殺其軀而已矣

知困

子路以淮南子

俊死辯亡

鄧舒以唐元載傳錯

以智死

晁桓譚傳舜以言死

張敞椽絮舜私歸其家曰五日京兆耳安能復案事

敬聞舜語好鍛見憾晉嵇康性絕巧而一宅中有一

收繫獄死下以鍛鍾會貴公子也精練有才辯故往造焉康不為

之禮而鍛不輟良久會去康曰何所聞而來何所見而

去會曰聞所聞而來見所見而去顧以此之言於文帝

曰嵇康卧龍不可起公無憂天下顧以康為慮耳帝既

昭信會料事見忌後楊修有俊才為丞相曹操主簿嘗

遂害之守舍兒若有令出依此通之既而果然游說被刑李陵

操怪其速廉之知狀忌修後因事殺之奴上問太史令司馬遷盛言陵事親孝與士信奮不顧

身以徇國家之急今舉事一不幸全軀保妻子之臣隨

而媒蘖其短上以遷誣因為陵一一下遷腐刑誹謗遭誅孔融以對孫權使有

漢驕慢被殺許攸恃功一一嘗於衆坐呼曹操小字曰

也然內不樂後竟殺之瞪視欲殺杜甫嘗醉登嚴武牀一日嚴

甫集吏於門武將出冠鉤於簾者三左右白其母奔救得止

嫁禍吾皆不欲季氏將伐顓臾冉有曰夫子欲此非得

為孟子之平陸謂其大夫曰子之持戟之士一日而三失伍則去之否乎曰不待三然則子之失伍也亦多

矣曰一距心之所欲反其讎言楚殺伍奢其子負如吳

是宗為戮而一欲嫁其禍趙豹曰韓氏所以不

趙也言陵所誤公孫敖深入匈奴迎李陵教軍無功

世家得上於是族陵家通鑑欲上自將七國反錯一令一

兵以備漢兵故臣無所

帝紀

樂禍偏舞樂禍

王子頽享五大夫樂及左莊二十年

背施幸災

秦饑乞糴於晉晉人弗與慶鄭曰無親

利人之難

昭五年利人之幾宣十二年樂人之禍王

素與司隸校尉胡种有隙及宏下獄种遂迫促殺之乘

宏臨命詔曰胡种

人之弊周伯仁好

避禍括囊无咎

不害也易坤卦慎勿藥有喜九五无妄

而藥之則凶

全身遠害詩見幾不俟君子終日

易結茅表井

楚子伐蕭王遂圍蕭蕭潰申公巫臣曰師人多寒王巡三軍拊而勉之三軍之士皆

如挾纊遂傳於蕭還無社蕭大夫與司馬邠言呼申叔展皆楚大夫叔展曰有麥麴乎曰無有山麴窮乎曰無

二物所以禦濕使無社逃泥水中無社不解故曰無軍中不敢正言故謬語河魚腹疾奈何叔展言無禦濕藥

將病曰目於眚烏九切廢井也井而極之若為茅經哭井則已叔展又教一一以一一須哭乃應以為信明日

蕭潰申叔視其井則浮舟泛海范蠡與勾踐既滅吳為茅經存焉號而出之浮舟泛海范蠡與勾踐既滅吳為

遺大夫種書曰蜚鳥盡良弓藏狡兔死走狗烹越王為人長頸烏喙可與共患難不可共安樂子何不去種見

書稱病不朝人或說種作亂鼓篋乞食伍子胥載橐而越王乃賜種劍種遂自殺鼓篋乞食伍子胥載橐而

伏至於陵水無以糊其口膝行蒲伏髡鉗布衣季布為稽首肉袒一一一一於吳市范睢傳髡鉗布衣任俠有

名項籍使將兵數害漢王籍滅高祖購求千金布解羸

刺船獨行疑其亡將要下有寶器金王目之欲殺美丈夫

心恐一衣一而佐一亡抵於褒山陽張儉為中常侍

下州郡捕儉儉與融兄褒有舊一見其有窘謂曰兄雖在外吾獨不

能為君主耶因畱舍之後事泄儉得脫走遂并收褒融

送獄獄人未知所坐融曰保納舍藏者融也當坐之褒

曰彼來求我非弟之過請甘其罪吏問其母母逃歸於

嵩後漢趙岐字邵卿為京兆郡曹時中常侍康衡兄琦

議琦後為京兆尹果盡殺岐家屬岐逃難四方自匿姓

共載岐懼失色嵩密問曰視子非賣餅者又相問而色動不有重怨即亡命乎我北海孫賓石闔門百口勢能相濟岐以實告之遂以俱歸藏岐複壁中數捷步完免年作厄屯歌三十三章諸康死滅因赦乃免捷步完免後漢任文公曉天官風星秘要為司空掾平帝即位稱疾歸家王莽篡後文公推數知當大亂乃課家人負物百斤環舍超走日數十倒時人莫知其故後兵寇並起其逃亡者少能自脫惟文公大小負糧一悉得詐死逃竄杜根和熹鄧后臨朝根以安帝年長宜親政執法者私語行事人使不加力既而載出城外根一三日目中生蛆因一及鄧氏誅根方歸徵拜侍御史母重吾禍范滂以鉤黨坐繫獄後事釋南歸南陽士大夫迎之者數千兩同囚鄉人殷陶黃穆衛侍於滂應對賓客滂謂陶曰今子相每輒言佳司馬微字隨是重吾禍也遂遣還鄉里本傳每輒言佳德操括囊

畏謹有以人物問者不辨其高下————掃諫之曰
人質疑問君一皆言佳豈咨君之意乎微曰如君言亦
復佳詐醉免疑晉王允之字景猷搃角從伯敦謂無似
世說詐醉免疑已恒以自隨出則同與入則共寢敦嘗
夜飲允之辭醉先卧敦與錢鳳謀逆允之悉聞其言慮
王敦疑已便於卧處大吐衣面並汚鳳出敦果照視見
允之卧吐中以爲大醉不復疑之時父舒爲廷尉允
之還都定省以敦鳳謀議白舒與王導俱啟明帝命
駕見幾晉張翰字季鷹吳人縱任不拘時號江東步兵
相識就循言談知其入洛翰曰吾亦有事北京便同載
去不告家人齊王固尉爲大司馬掾固時執權翰謂同
郡顧榮曰天下紛紛禍難未已夫有四海之名者求退
良難吾本無望於時子善以明防前以智慮後榮執手
愴然曰吾亦與子採南山蕨飲三江水耳翰因秋風起
思吳中菰菜蓴羹鱸魚膾曰人生何能羈宦數千里以

要名爵乎遂——歸依把酒相歡裴度晚節頗浮沉為

而回敗人皆謂之——意乃治第東都野服蕭散與白居易劉禹錫闔戶避謗

為文章——窮晝夜——不問人間事本傳

陸贄既放荒遠常——人不買田自污垂崖在陳一日

識其面——不著書本傳方食進奏報至

且食且讀既而抵案慟哭久之哭止復彈指久之彈止

罵詈久之乃丁晉公逐萊公也率崖知其禍必及已乃

延三大戶於便坐與之博袖間出私骰子勝其一坐乃

——宅為歸計以——晉公聞之亦不害也余謂此智者

為之賢者不為也賢者有義而

已寧避禍哉禍豈可避耶談叢

防患見兔顧犬莊辛謂楚襄王曰——而——曲突徙

薪見為長太息臣竊惟天下事勢可為痛哭者一可為

前流涕者二可——者六云云賈誼

治安著恐不知漢息夫躬數危言高論自恐遺害

厲驚徘徊今趨若浮萍動則機今叢棘今棧今棧今可棲今

發忠忘身今繞罔今宛頸折翼今容得今生今涕泣今流今沈

蘭心今胸結今傷肝今仰天今光今自今列今昭今上帝今我察今秋風

為我今嗟今行雲今為我今陰嗟今若是今欲我今留今撫今神龍今今今搯其

須遊今曠今迥今反今亡今期今雄今失今據今重關今複壁今李林甫今自今以多

今世我思今後數年今誅如其言今重關今複壁今結怨今常虞今刺客

出則步騎今百餘人今為左右翼今金吾今靜街今前區今在數百步

外公卿走避今居則今以石今甃地今牆中今置板今如防

大敵今一夕今屢徙今牀今被甲衣袍今向敏中今除平章今事坐事出

雖家人莫知其處今被甲衣袍今知永興今駕幸今潭淵今密詔今盡

付西鄙得便宜今從事今會邦人今大雉有告今禁卒欲倚今雉為

亂者密使麾兵今一今伏廡下今幕中今明日盡召今賓僚

兵官置酒縱閱今無一人今預知者今命今難入今先令馳騁今於中

門外後召至階公振袂今一揮今伏卒今齊出今盡擒之今果懷短

刀即席誅之勦訖屏屍
掃庭張樂宴飲賓從股慄歸田錄

思患無忘楹車

管仲將兵遮莒道射桓公中鉤後魯桓
桔管仲而送於齊齊以為相謂桓公曰

願君無忘射鉤

不忘巾車

馮異朝京師引見帝謂公卿
曰是我起兵時主簿也為吾

披荆棘定關中既罷賜以珍寶衣服錢帛詔曰倉卒蕪
羹亭豆粥滹沱河麥飯厚意久不報異稽首謝曰臣願

國家無忘河北之難小臣一巾車鄉名也方謹守文唐太
恩光武獲異於巾車故云巾車鄉名也

問創業守文孰難玄齡曰方時草昧羣雄角逐攻破乃
降戰勝乃剋創業則難魏徵曰王者之興必乘衰亂覆

昏暴治天授人與者既得天下則安於驕逸人欲靜
役毒之世方敝衰刻窮之國繇此衰則守文為難帝曰

玄齡從我定天下冒萬死遇一生見創業之難徵與我
安天下畏富貴則驕驕則怠怠則亡守文之為不異然

創業之不易既往矣守文之無忘創業唐莊宗患宮中
難方與公等謹之通鑑本紀暑濕不可居遣
宮苑使王允平營樓郭崇韜曰願陛下
常如河上則可使繁暑坐變清涼莊宗默然終遣允平

起樓

禍福陸龜蒙雜說

邵侯姜女之生子也始棄之命之曰
棄宋為司徒之生女也始棄之亦命

之曰棄邵棄為稷官烝民賴之宋棄美而生佐幾移宋
國名之同也奚陽舜重瞳子項羽亦重瞳子形之類也
奚病擇其道如何耳季扎以樂卜趙孟以詩卜襄仲歸
父以言卜子遊子夏以威儀卜沈尹氏以政卜孔成子
以禮卜其應也如響無他圖在精誠而元次山出規元
已不精誠者不能自卜況吉凶他人乎
門人叔將出遊三年及還元子問之曰爾去我久矣何
以異乎對曰叔將始自山中至長安見權貴之盛心憤

然竊悔比年於空山窮谷與夫子甘飢寒愛水木而已
不數月王公大人卿相近臣之門無有至者及一年有
向與歡宴過之可弔有始拜侯已聞就誅豈不裂封疆
土未識豈無印綬懷之未暖其客得祿位者隨死得金
王者皆拏參遊讎者或刑或免叔將之身如犬逃者五
六似鼠藏者八九當其時環望天地如置在杯土之中
元子聞之歎曰叔將汝何思而為乎汝若思為社稷之
臣則非正道不進非忠信不言雖手足斧鉞口能出聲
猶極忠言與氣偕絕汝若思為祿位之臣猶當避赫赫
之路顯顯之機如下廐粟馬齒食而已汝忽然望權勢
而往自致身於刑禍之方得筋骨載肉
而歸幸也大矣二三子以叔將為戒乎
歐陽公史贊夫
凶之於人猶影響也而為善者得吉常多其不幸而罹
於凶者有矣為惡者未始不及於凶其幸而免者亦有
時焉而小人之慮遂以為天道難
知為善未必福而為惡未必禍也

避禍王謫風詐

禮法不可斯須而去有以禮法而為災忠信不可斯須而去有以忠信而為禍

禮法非災人之端忠信非禍人之本理或有害則禮法忠信為禍人之萌狂瞽人之所惡也效之則恐不及其

真荒醜人之所恥也履之則恐不自其性狂瞽誠可惡也荒醜誠可恥也臨難而保全則狂瞽荒醜為藏身之

藪禮法忠信直也狂瞽荒醜詐也以之保全則直不如詐之功嗚呼三皇之前無所用五帝之後無所不用

柳子敵戒

皆知敵之仇而不知為害之大秦有六國競競以強六國而不知敵之害

既除詭詭乃亡晉敗楚馮范文為患厲之否圖舉國造怨孟孫惡臧孟死臧恤藥石去矣吾忘無日智能知之

猶卒以危矧今之人曾不是思敵存而懼敵去而舞廢備自盈祗益為瘡敵存滅禍敵去召過有能知此道大

名播懲病克壽矜壯死暴縱欲不皮日休鹿門隱書序

戒匪愚伊耆我作戒詩思者無咎

皮日休鹿門隱書序

醉醉隱於鹿門不醉則遊不遊則息息於道思其所未
至息於文慙其所未周故復草隱書焉嗚呼古聖王能
旌山夫谷民之喜者意在斯乎或曰仲尼修春秋紀災
異近乎怪言虎賁之勇近乎力行衰國之政近乎亂立
祠祭之禮近乎神將聖人之道多歧而難通也美有不
語之意也曰夫山鳴鬼哭天裂地坼怪甚也聖人謂一
君之暴災挺天地故諱耳然後世之君握鈎仲鐵撫梁易柱
災拯暴以市異者矣夫桀紂之君握鈎仲鐵撫梁易柱
虐物貪勇而喪生然後世之君猶有喜角觝而忘政愛
拔距而過賢者寒泥竊寶子頑通母亂甚也聖人隱而
不言懼來世之君為蛇豕民為淫賊然後世之君猶有
易內以亂國通室以亂邦者夏啟乘龍周穆讌瑤池神
甚也聖人隱而不言懼來世之君以幻化致其物以左
道成其樂後世之君猶有黷封禪以求生恣祠祀以祈
欲者嗚呼聖人發一言為當世師行一行行為來世執豈

易容而傳哉當仲尼之時苟語怪力亂神也吾恐後世之君怪者不在於妖祥而在於政教也力者不在於角觝而在於侵陵也亂者不在於衽席而在於天下也神者不在於機鬼而在於宗廟也若然者其道也豈多岐哉

陳靖彭祖觀井圖銘

浮化中子將命之狄丘道由彭門有客得彭祖觀井圖以為賦

中有臺榭人物山水森然蓋狀其佳象幽致表繪事之工子無取所慕者惟彭氏面井而覆之以輪背榭而纜之以繩凭杖斂躬跼蹐而迎視兢兢然若將墜也嗚呼古人臨事而懼之有若是檢身遠害之有若是後之君子得無效歟子實好古者歷考其迹於傳記雖變而難信且夫子云竊比於我老彭亦其驗也故作銘於座右曰至哉古人遠害全身戰兢兢慎若履冰朽索之馭納隍是慮天子則之鴻休永據存而懼亡係於苞桑諸侯則之其國必昌若舟弗濟夕惕而厲大夫則之其家孔熾直哉惟清執虛如盈士子則之其道元亨不爭在

醜無愧屋漏庶人則之其食孔阜吾省
子行吾慎予守竊比老彭式介眉壽

司馬君實保身

說

天下有道君子揚於王庭以正小人之罪而莫敢不
服天下無道君子括囊不言以避小人之禍而猶或

不免倘人生昏亂之世不在其位四海橫流而欲以口
舌救之臧否人物激濁揚清撿蛇虺之頭踐虎狼之尾

以至身被注刑禍及朋友士類殲滅而國隨以亡不亦
悲乎夫惟郭泰既明且哲以保其身申屠蟠見幾而作

不俟終日卓爾
其不可及也

詩集行文天合知

君一君一兵戈後纔到孤村雨雪時

著卧衣裳難辨洗旋求糧食莫供炊地爐不煖柴枝濕
猶把蒙求授小兒杜荀鶴贈李鍾鐔自維揚避亂東入

中善惡理如此

顏回飲瓢水陋巷枕曲肱盜跖獸人肝
九州恣橫行回仁而短命跖壽死免兵

愚夫仰天呼禍福豈足憑蹈身一腐鼠死朽化無形萬
世尚遭戮筆誅甚刀刑思其生得所豹犬飽臭腥顏子
聖人徒生知自誠明惟其生之樂豈減蹈所禁死也至
今在光輝如日星譬如埋金玉不耗精與英生死得失
間較量難重輕一陽永叔顏跖切勿恃何妨有常平居思
毋尤天不平歐陽永叔顏跖切勿恃何妨有常平居思
多須作病快心事過必為傷與其病後能求藥不若病
前能自防何為亦窮辱黃雀死彈丸厥罪在咏栗翡翠
邵堯夫詩

足畏逢仇

頭惟避誘歐

低

古今合璧事類備要續集卷五十五

欽定四庫全書

古今合璧事類備要續集卷五十六

宋 謝維新 撰

報應門

陰報附

善報 惡報

事理發揮

聞之昔人所謂陰德者如人耳鳴已獨知之人無知者如有所作動欲人知何陰之

有斯言旨哉今人乍有一善即要人知安得有人所不知而自知之者借使有之亦必有心於福田利益責區區之報於冥冥之中福田利益可以無心得而不可以有心致也久矣天可欺乎

事類斷蛇獲報

其孫叔教為嬰兒時出遊而還憂而不食

蛇恐去死無日矣母曰其蛇安在曰吾聞見兩頭蛇者

死吾恐他人又見已埋之也母曰無憂汝不死吾聞之

有陰德者天報以福人聞之皆喻其為仁也及為令尹

未治而國人信之烈女傳曰有陰德者陽報之德勝不

祥仁除百禍天之處高而聽卑爾必活蛇得報隋侯見

興於楚及長為令尹老終賈誼新書大蛇被

傷而活之後蛇銜珠以報其珠徑寸純白夜有光吾活

明如月之照一名隋侯珠一名明月珠搜神記

萬人

封前漢王翁孺傳活千人其子孫必我畏四知楊震

刺史

子孫必興

于定國父于公為縣獄吏于公所決皆

曰少高大閤門令容駟馬高車蓋我治獄多陰後世必

德未曾有所冤一一一有一者至定國為丞相

興

鄧禹嘗歎曰吾將百萬之衆未嘗妄殺一人

大共相乳

隋李士謙躬處節儉

每以振施為務仁心所感羣一生子交一獨知之人無

謙子多陰德答曰夫言陰德其猶耳鳴已獨知之人無

知者今吾所作吾子猫有相乳司徒北平王馬燧家一

皆知何陰德之有死焉有二子飲於死毋其鳴咿咿其一方乳其子若聞

之起而若聽之走而若救其一置其棲又往如之反共

乳之若其子然噫亦異之大者夫猫畜也非性於仁義

者也其感於所畜者乎北平王牧人以廉罰罪以平理

陰陽以得其宜國事既畢家道乃行父父子兄兄弟

弟雍雍如也愉愉如也視外猶視中一家猶一人夫如

是其所感應召致赤丁願護洛陽牟穎郊外葬一枯骨

亦可知矣韓文夢人來謝云我本強寇為

同輩見害感公掩藏願陰護公若有急但呼一老姥授

一子即至矣後數有應驗唐段公路北戶錄

簡

漢何比干有
一十年可八十餘求避雨雨甚而衣不
濕比干延入待之乃曰君先出自后稷佐堯至晉有

陰

功今天賜之策如簡長九寸以授之
救雀環報後漢

曰

子孫能佩者富其言訖不見幽明錄

九

歲見一黃雀為鷓鴣所搏墜樹下為螻蟻所困寶取

之

歸置巾箱中以黃花養之毛成飛去夜有黃衣以白

環

四枚與寶令君子孫潔白位
放龜印報孔愉字敬康

登

三事當如此數矣價集諧記

與

同郡張茂偉康丁潭世康齊名時人號曰會稽三康

建

興初出為丞相掾後以討華軼功封餘不亭侯愉嘗

行

經餘不亭見鬻龜於路者愉買而放之溪中龜中流

左

顧者數四及是鑄侯印而印龜左顧三鑄如初工以

告

愉乃悟遂近種陰德白中令應舉屢不第詣蒯蘆生

佩

馬晉書

一

婦人以新紫帕封在鬧中女奴力勸置於門閑車

馬

駢集婦人女奴相失帕在闌旁公為守衛至日晏其

主竟不至忽婦人號泣曰夫犯刑憲有能救護惟欲寶帶今辰遺失夫不免極刑矣公以帶還之其人泣謝而去明日再見葫蘆生曰秀才一錄必有陰德裴晉公質一來年及第位極人臣芝田錄

相者曰郎君若不至貴即當餓死一日遊香山寺有婦人以父被罪假得玉帶三犀帶一以賂津要寘於欄檻忘收之而去度得而授之後見相者曰一一一及汲物前途萬里非某所知也度果位極人臣事見撫言

漿得婦家馬山高無水公一作義一於坂頭行者皆飲之二年有一人就飲以一斗石子與之云玉當生其中後當一好一言畢不見乃種其石數歲時時往視見石子生北平徐氏有女人多求不許公試求焉徐氏戲之得白壁一雙來當為婚公至所種石中得五雙以聘遂以女妻之天子異之拜為大夫於種玉地四補漏得子角作大石柱各一丈中央一頃地名玉田

鄭屯田建中其先本雍人五季時徙家安陸背錙鉅萬城中居人多舍客也每大雨則載瓦以行問有屋漏則補之若客舍自為之屋亦為繕治又隆冬苦寒蠲舍綰盈月屯田君晚歸其子即侍郎公舒也登進士第官至祠曹侍郎有五子長曰彌中登第至朝奉大夫次即侍讀公毅夫皇祐五年魁天下士三子與孫皆任以官不繇選調世祿不絕陰施之報蓋不誣矣塵史

惡報殺降虜

李廣曰吾為隴西守羌嘗反吾誘降者八百人詐而同日殺之至今恨獨此耳王朔

曰禍莫大於殺已降此乃將軍所以不得侯也本傳然三代之將道家所忌自廣至陵遂亡其宗哀哉本贊殺醉尉李廣之不侯史氏以為殺已降余謂非特此而已其殺霸陵尉不亦甚哉廣自抵陰譴豈止不侯而已耶至陵身臣虜庭而李無驗者坐秦孝公卒太子夷滅其報豈不顯哉塵史

之徒告商君欲反發吏捕商君商君亡至關下欲舍客舍人不知其是商君也曰商君之法舍人

商君喟然歎曰嗟夫何事不承則天時或告周興謀反為法之弊一至此哉

知被告方對俊臣食俊臣曰因多不服奈何興曰易耳內之大甕熾炭周之

火徐謂興曰有詔按君請嘗之興駭汗叩脇下朱字惠頭服罪詔宥興嶺表道為人所殺唐本傳

一娼女震死於市衢一有云李林甫以毒虐弄正權帝命震死此女子偃月公後身邪元和元年六月

也異錄背上粉書長慶中有人雷震而死子厚謫雷州人錄

蘓子由謫雷州不許占官舍遂僦民屋章子厚又以強奪民居下本州追民寃治以僦券甚明乃已不一二年

為章丞相幾破我家今不可也其報如此丁謂謫雷州

寇忠愍公準累貶雷州司戶時丁晉公馮相揚同在中書丁當筆欲貶崖州忽自疑曰崖州再涉鯨波如何馮唯唯而已丁乃擬雷州及丁之貶也馮遂擬崖州時語曰若見雷州寇司戶人生何處不相逢歐陽修歸田錄

善報李德裕陰德論

陳平稱吾多陰謀道家之所禁吾世即廢亦已矣不能復起以吾多

陰禍也至曾孫何國絕班生著陳平之言以為世戒理當然矣而丙丞相纔及子顯黜為關內侯至孫昌乃絕國絕三十二歲復續而張湯杜周子孫世有令名皆在顯位其故何哉丙丞相於漢宣之德可謂至矣晉荀息以忠貞之故不負獻公程嬰以託孤之義不忍欺趙氏所以繼之以死終不食言丙丞相於史皇孫微君臣之分無親戚之情而保養曾孫仁心惻隱置於閒燥給以私財介然拒天子之使因是全四海之命又奏記霍光決定大策既而顯徵卿之美削士伍之辭其深厚不伐古所未有夏侯勝以為有陰德者必享其樂以及子孫

是宜篤生賢人世濟其美古所謂有後者良謂是矣馬
在傳爵邑而已哉張杜有後豈用法雖深而治者或能
去天下之惡除生蘇軾三槐堂銘天可以乎賢者不必
人之害所以然也貴仁者不必壽天不必
可必乎仁者必有後二者將安取中哉吾聞之申包胥
曰人衆者勝天天定者勝人世之論天者皆不待其定
而求之故以天為茫茫善者以怠惡者以肆盜跖之壽
孔顏之厄此皆天之未定者也松栢生於平地其始也
困於蓬蒿厄於牛羊而其終也貫四時閱千歲而不改
者其天定也善惡之報至於子孫而其定也久矣吾以
所見所聞所傳聞考之而其可必也審矣國之將興必
有世德之人厚施而不食其報然後其子孫能與守文
太平之主共天下之福故兵部侍郎晉國王公顯於漢
周之際歷事太祖太宗文武忠孝天下望以為相而公
卒以直道不容於時蓋嘗手植三槐於庭曰吾之子孫
必有為三公者已而其子魏國文正公相真宗皇帝於

欽定四庫全書

卷五十六

景德祥符之間朝廷清明天下無事之時享其福祿榮
名者十有八年今夫寓物於人明日而取之有得否
而晉公修德於身責報於天取必於數十年之後如持
左契交手相付吾是以知天之果可必也吾不及見魏
公而見其子懿敏公以直諫事仁宗皇帝出入侍從將
帥三十餘年位不滿其德天將復興王氏也歟何其子
孫之多賢也世有以晉公比李栖筠者其雄才直器真
不相上下而栖筠之子吉甫其孫德裕功名富貴略與
王氏等而忠恕仁厚不及魏公父子由此觀之王氏之
福蓋未艾也懿敏公之子肇與吾遊好德而文以世其
家吾是以錄之銘曰嗚呼休哉魏公之業與槐俱萌封
植之勤必世乃成既相真宗四方砥平歸視其家槐陰
滿庭吾儕小人朝不及夕相時射利皇邱厥德庶幾僥
倖不種而獲不有君子其何能國三城之東晉公所廬
鬱鬱三槐惟德鄧拱辰張佛子傳子少之時聞都下有
之符嗚呼休哉

也又慮好事者之偏辭也逮予之職御史得門下給事
張亨者始末之亨明年於直舍廼聞其徒相與語始知
亨乃張佛子之子子因詰其詳於亨亨遂書其本末聞
而驚且歎曰是其後必昌乎輒以亨之言紀其實以壅
鑒將來張佛子名慶京師人也以淳化元年生生三歲
而父母俱亡亦無伯仲昆季遂養於外戚趙氏洎長因
襲姓趙氏亦未知自明趙氏之鄰有郭榮者世為右軍
巡院吏趙氏因以慶屬焉郭氏告老慶遂補郭氏名闕
實祥符三年也慶之司獄常以矜慎自持好潔獄應囚
具必親沐至暑月尤數每戒其徒曰人之麗於法豈得
已哉我輩以司獄為職若不知恤則罪者何所赴愬耶
飲食湯藥臥具必加精潔常為其徒悔之曰若區區為
此乃欲要福乎慶亦莫之顧也好看法華經每有重囚
就戮則為之齋素誦佛一月乃止囚有無辜者輒私釋
之放其去乃祝之曰若無辜我願以身贖若也坐罪後
遇恩赦旋亦自免其囚獄有訛鞠者慶以至誠疏畫條

令美言以喻之故不訊考而疑獄常決獄官往往屬意焉其妻袁氏年四十八景祐五年京師疫袁氏染疾而斃已三日矣尚未殮也忽然而坐不語衆覩以為更生踰時遍體流汗遂甦因告其家屬曰我始行一所穢汚所聚不覺身之在其間乃啓念欲得一清涼處忽見一白衣端嚴修長謂袁氏曰汝不當在此何為而來急去急去汝夫陰功甚多子孫當有興者汝今尚未有嗣胡為來此言未終白衣人乃以手提袁氏之足拋出穢汚遂乃復甦袁氏自念常事白衣觀音精虔必有感應自是里巷人相與言曰信乎趙佛子乃獲陰報也其後族人因告慶曰爾本張姓也乃述其始末因歸其姓張馬慶年八十二一夕無病而卒袁氏更生之明年生子子乃亨亨生三日有一道士丐於慶之門慶因延入不復詢其誰何既坐謂慶曰若本無嗣今乃聞嬰兒聲非若子乎慶曰今四十九歲止有二女三日前偶得一子道者曰信乎陰功未易量也爾必積累善事非一朝一夕

聽嬰兒聲不獨爾之有嗣又喜子孫有文學者相繼而出也爾善保之飯訖乃去慶止生是男既長記名於門下後省子以亨乃得其實於是知慶之後必大皇祐六年以宣徽出守太原因用門下給使恩例乃以亨之年勞丐於朝廷補授亨以三班借職今亨乃生六子戒之曰當令讀書無怠乃誠旋顧爾考之餘汗當有所授矣至和元年六月虞策書佛子傳後元祐末年予罷給事太原王拱辰撰制出守青社有張洪者因余校閱後園出宣徽所撰佛子文予因詰洪曰張佛子非爾族乎洪曰乃祖父也曰爾考非亨乎洪曰然元祐二年以左藏庫副使終於家所謂六子者爾預之乎曰洪其長也又詰其季曰錡曰鑄曰鐸曰鐸三弟也於元豐五年同登黃裳榜曰鎬曰銳並預薦開封然後信宣徽王公為知人崇寧元年予自高陽赴闕明年試戶部侍郎辟洪為檢討文字官是歲洪之子公俗公庠亦同登於霍端友榜京師士大夫無不

相傳為盛事信乎天之祐善人也如影響之速今洪又出宣徽所撰又求予為後傳因勉從其善應之實以成前事之美云張佛子今贈左司禦率府帥袁氏贈原德太君乃亨之贈也崇寧二年錢塘虞策書

惡報林少穎論商鞅客舍之報

孟子曰戒之戒之出乎爾者反乎爾者也自古

用嚴刑以毒民者未有不反於已然亦未有如鞅之速也鞅之出亡至關下欲舍客舍舍人不知其商君也曰商君之法令舍人無驗者坐之商君歎曰嗚呼為法之弊一至此哉商君以舍人無驗者困秦民卒以自困非特是也始也刑太子之傅公子虔終也公子虔告商君欲反始也與公子卬會盟而終也伏甲以襲之及其終也出奔亡魏魏人以襲公子卬之故扼而不納反送以歸秦遂遭車裂之禍即是以觀孟子之所謂出乎爾者反乎爾豈不信哉胡明仲論三世為將之報

或謂李陵乃廣孫三世為將道家所忌也

曾不知呂望東旋伏鉞其子繼掌虎賁開封營
丘傳數十世太公兵法至於今用之是何歟
胡明仲

論張湯無後之報

有世疑張湯文深意忌用法嚴酷不當

說曰達賢者有後張湯是也湯宜無後者也愚謂不然
人之為善與惡天未必逐逐然而禍福之也堯之子丹
朱為何惡而致之替之子舜為何善而來之然堯舜之
後不絕者數千年蓋堯之德盛非衮所能逃黃帝之德
遠非瞽所能過也上無以報引乎其前下無以承翼乎
其後苟有寸功薄善遽已責報於天曰吾宜壽且貴宜
有子孫也至於憎疾小人見其罪惡又以為天必譴怒
曰是宜夭宜貧宜無餘類也小遼緩不應則指天為高
遠茫乎善惡之報是皆以褊心淺智妄量天道而不知
善祥惡殃必以類至理存感應如寒暑雨暘之消息不
可誣也故人亦自修而已矣不必為明有賞幽有福然
後為善不必為明有罰幽有禍然後不為惡斯人也其

天之所祐歟何也天者公也非有所親疎而取舍之者也必為明有賞幽有福然後不為惡斯人也其天之所不祚歟何也天者理也非有所利害而去就之也營見

詩集積善生公侯

吾知徐公百不憂——哀
杜徐卿二子歌餘慶及兒

孫

從公樂萬壽——
孟郊

冥數

事理發揮

凡國家之興廢人品之榮悴器物之成壞莫不有數行乎其間要非偶然之故也蓋

是數也運乎冥冥之中無形迹可窺無聲音可聽隱而索之蹟而探之猶有莫得其端倪者吁何深也非有至人其誰能知之乎然古昔聖人以是數也為順性命之理而授之匪人則反以長奸雄之心是亦未

易以輕傳馬吉凶之道可以
前知或者以為神仙非過也

事類永公後身

開元中房琯宰相盧真人邢和璞暇日
同出城上一廢寺竹間以杖扣地令掘

之得一餅餅中皆妻師德與永公書謂琯曰省此乎琯
即洒然悟其為一一一一也因語琯終身事無不驗事

見明皇
雜錄

顧總前身

一一為縣尹數被鞭箠因逃墟墓之
間有二黃衣曰劉君頗憶昔日周旋

否僕二人乃王粲徐幹君一一是劉楨因出袖中書曰
此君集也揔省覽了然明悟乃携集見縣宰宰大驚曰
不可使劉公幹為小吏即以賓禮待之時
謂死劉楨猶壯生顧揔牛僧孺幽怪錄
林甫後身見

惡報類
下朱字注

衛公壽數

太尉衛公為并州從事到職有王
山人者詣謁曰某善按冥也紙上

書八字曰位極人臣壽六
十四其後果驗松憲雜錄

一行算法

僧一一聞天台國清寺

僧其術精往求之至寺未敢入竊於門間窺之見僧於庭下布筭曰當有弟子來求吾術須門前水西流乃至

舊東流忽西流遂授其術同上
夢中娶婦崔元綜任

欲娶婦忽夢人云此家女非君之婦君婦今日始生乃夢中相隨至東京履信坊道北屋下見一婦人生女云

是君婦崔寤殊不信之俄所議女暴亡後官至四品年三十八乃婚韋涉妹年始十九年履信坊居尋勘歲月

正所夢之日
夢中得天唐高祖將舉兵夜夢身死墜牀生定命錄下為羣蛆所食智蒲禪師曰公

得天下矣且死是斃也墜牀是下也陛下至尊之象也羣蛆所食億兆趨附也又夢甲馬無數飛滿空中曰是

公身中之神言訖飛入帝身覺
果拜察院河南伊闕縣而召太宗曰吾事濟矣紀異錄前水中每縣

官有入臺者先有灘出石鑠金沙清澈可愛牛僧孺為尉一日報灘出縣僚共觀之老吏曰此必分司御史若

是西臺當有一雙鵝鵝僧孺曰既能有灘何悟鵝
鵝言訖一雙飛下不旬日僧孺一刺談錄果

平蔡州

裴晉公未第時竊遊洛中一日策蹇上天津橋
時淮西不庭已數年矣有二老人倚柱立語曰

蔡州何時得平見晉公愕然曰適憂一未平須待此
人為相僕聞其語遽告公公曰見我龍鍾何相戲耳後

果如其言

三刀為州

王濬字士治嘗夜夢懸一於屋梁
上須臾益一刀濬意甚惡之主簿李

穀拜賀曰

一州一平一果又益一者

十八為公

丁固仕孫
皓為司徒

吳錄曰

初固為尚書夢松生其腹上謂人曰松字
十八公也後一歲吾其一平如夢吳志

朱衣

躍出

元稹在私第獨坐有一吏曰相公今日登
庸言訖趨出命左右追之咸曰無人入朝果有制

命數月又見一吏云今日
罷相遲明報出中書紀異錄

朱衣點頭

歐陽公知貢舉
日每遇考試卷

坐後常覺一一人時復一一人然後其文入格不爾則
無復與考始疑侍史後回視之一無所見因語其事於
同列為之三嘆嘗有句無時可得時言人禍福人謂之
云惟願一三一

風和尚陳瑩中未第時問之云我作狀元否即應聲曰
一一一瑩中復謂之曰我決不可得耶又應如初明
年時彥御試第一人而瑩中第二舉衣以示州人遇異
方悟其言無時可得之說筆談

僧授以要旨能預言未兆或戲之曰今歲狀元何姓答
曰不黑不白非朱非綠復問曰亦知其名字乃一一一

乃黃裳也避齋閑覽最末有名鄉人危叙應舉探省
榜出門數步逢泥濘

老嫗指示秀才可低處過危即從之首開盡來午富鄭
榜一一一是歲果及第青廟雜記

守西京因府園牡丹盛開召文潞公司馬端明楚建中
劉几邵先生同會是時牡丹一欄凡數百本坐客曰此

花有數乎且請筮之既畢曰凡若干朶使入數之如先生言又問曰此花幾時一一請再筮之先生再揲著良久曰此花盡一日一時坐客皆不答鄭公因曰來日食後可會於此以驗先生之言坐客曰喏次日食罷花尚無恙泊烹茶之際忽羣馬廐中逸出與坐客馬相踶齧奔出花叢中既定花盡毀拆矣於是洛中愈伏先生之言聞

成壞有數

至和二年成都人費孝先遊青城詣老

見錄

曰子視其下書云此狀某年月日造某年月日為費孝先所壞一一一一子何償焉括異志

李德裕


冥數有報論

宣尼罕言性命不語怪神非論無也欲人嚴三綱之道奉五常之教修天爵以致人

爵不欲言富貴出於天命福祿由於冥數昔衛士協於沙兵為謚已久秦塞屬於臨洮名子不寢朝歌未滅而周流丹鳥矣白帝尚在而漢斷素蛇矣皆兆發於先而符應於後不可以智測也周孔與天地合德與鬼神合

契將來之數無所遁情而狼跋於周鳳衰於楚豈親戚之義不可去也人倫之教不可廢也條侯之貴鄧通之富死於兵革可也死於女室可也唯不宜以餒終此又不可以理得也而命偶來時盜有名器者謂禍福出於胃懷榮枯生於口吻沛然而安溘然而笑曾不知黃雀遊於茂林而挾彈者在其後也余乙丑歲自荆楚祿釐東周路出方城聞有隱者困於泥塗不知其所如也往謂方城長曰居守後二年南行萬里則知憾余者必因天譴譖余者必自鬼謀雖抱至冤不以爲恨也余嘗三遇異人非上祝之流皆遁世者也初掌記北門有管涔山隱者詣余曰君明年當在人君左右爲文翰之職然須值少主余聞之愕眙洒然變色隱者亦悔失言避席求去余徐問曰何爲而事少主對曰君與少主已有累世緣業是以言之余其歲秋登朝至明年正月穆宗繼緒不入禁苑及戶丞御史有闕中隱者扣門請見余因下榻與語曰時事非久公不早去冬必作相禍將至若

函請居外代公者受惠後十年終當作相自西南而入
是秋出鎮吳門歲經八稔尋又仗鉞南燕秋暮有邑子
王生引鄴郡道士纔升賓階未及命席謂余曰公當為
西南節制孟冬望舒前符節至矣三者皆與言叶不差
歲月自憲闡竟十年居相由西蜀而入代余執憲俄亦
竄逐唯再謫南服未嘗有前知者為余言之豈禍患不
可移者神道所秘莫得預聞自古啣冤沒世者多矣冥
報之事或有或無遂使好亂樂禍者以神道為昧茫余
嘗論之仁人上哲必達生知命如顏氏之子犯而不校
釋門達摩了空喻幻必不思報矣其下柔弱無心者力
不能報所能報者乃中人耳悍強任氣如伯有灌夫之
流亦在其臨歿之際方寸不撓魂魄不散唯結念於此
是以能報夫人之捨生也如薪盡火滅湔然則無能為
矣達於理者使心不亂則精爽常存不生不滅自可以
超然出世升躋神明其次精多魄強則
能為厲冥報之事或有或無理在此也



古今合璧事類備要續集卷五十六